

BORAKANELO JWA NAKO

 Ke batla digatisa mantswe di tshware sena motsotso fela pele ga lo gatisa, fa lo rata. Mme dumelang, ditsala. Ke tshepa gore mongwe le mongwe o ikutlwa tota... [Fa go sa theipiwa ng teng mo theiping—Mor.]

² Re opele tshwaelo ya rona e e tlwaelegileng, *Ba Tliseng Mo Teng*, mongwe le mongwe ga mmogo jaanong, “Tlisang banyana.”

Ba tliseng mo teng, ba tliseng mo teng,
Ba tliseng mo teng go tswa mafelong a sebe;
Ba tliseng mo teng, ba tliseng mo teng,
Tlisang banyana ko go Jesu.

³ Amen. A ga lo akanye gore go na le sengwe se se botshe tota ka ga leseanyana la kgale? Mogomanyana, matlhonyana ao, a a phatsimang a ntebile. Mme go na le sengwe ka ga bone se se leng botshe tota, tota. Mme bona ke fela bagomanyana ba ba senang molato, ga ba itse sepe ka ga dilo tsa lefatshe. Modimo o neile.

⁴ Mme, lo a itse, go na le sengwe ka ga ngwana, mo legaeng, se se bofaganyang legae ga mmogo. Go na le setlamo, ka ga ngwana. Jaanong, ke eletsa re ka bo re na le nako e ntsi go bua ka ga—ka ga dilo tseo, ka ga banyana, le ka ga dilo tse di farologaneng. Fela rona, nako ya rona, re gagamalela nako ka mašetla.

⁵ Mme re tshwanetse re yeng ka tlhamallo ko Lefokong jaanong. Go siame, ko dikapamantsweng, fa ba eletsa go gatisa molaetsa mosong ono. Mme mma Modimo a segofatse mongwe le mongwe ka letlotlo.

⁶ Jaanong, gompieno, ke akanya gore ga go sepe se se jaaka Lefoko, go balwa ga Lefoko la Modimo. Ke eletsa go ka bo go ne go le mo legaeng lengwe le lengwe, kwa Lefoko la Modimo le neng le tlaa balwa gone. Mme ke batla mongwe le mongwe wa lona, mosong ono, fa go kgonega gore lo ka kgona, le e leng nako e banyana ba tswang kwa diphaposing tsa bona tsa sekolo sa Letsatsi la Tshipi, go nna fela ba ba masisi jaaka go kgonega ka gone. Ba nne ba didimetse, mme ba reetse jaaka ke leka, ka thuso ya Modimo, go tlisa Molaetsa o ke neng ka o newa mo dioureng tse di thari bosigong jo bo fetileng, wa kereke gompieno.

⁷ Jaanong, palo ya rona ya Lokwalo e fitlhelwa mo go Joele 2, le Ditiro 2, Joele 2:28. Mo go Ditiro, re simolola ka 2:15. A ga go gakgamatse, gore ka fa moporofeti yona, a buang, kgaolo ya bo 2 ya ga Joele, le kgaolo ya bo 2 ya ga Ditiro, “pula ya sephai le ya kgogola mmoko,” Joele ne a bua ka ga gone mo kgaolong e e tshwanang ena! Ka ntlha ya go bua go tswa mo go Ditiro,

kgaolo ya bo 2, temana ya bo 15, le go fologa seripa sa Lekwalo, re bala sena.

Gonne bana ga ba a tagwa, jaaka lo gopola, ka e le gore gone ke fela oura ya boraro ya letsatsi.

Fela sena ke seo se se neng sa buiwa ke moporofeti Joele;

Mme go tlaa diragala mo metlheng ya bofelo, ne ga bua Modimo, Ke tlaa tshollela Mowa wa me mo nameng yotlhe: . . . bomorwaa-lona le bomorwadia-lona ba tlaa porofeta, . . . makau a lona a tlaa bona diponatshegelo, le mo . . . banna bagolo ba tlaa lora ditoro:

Le mo bathankeng ba me le mo malateng a me Ke tlaa tshollela Mowa wa me mo metlheng eo; mme ba tlaa porofeta:

Mme ke tlaa supegetsa dikgakgamatso ko magodimong kwa godimo, le ditshupo mo lefatsheng fa tlase; madi, le molelo, le mouwane wa mosi;

Letsatsi le tlaa fetolwa lefifing, le ngwedi mo mading, pele ga letsatsi le legolo leo le le itsegeng la Morena le tla:

Mme go tlaa diragala, gore le fa e le mang yo o tlaa bitsang leina la Morena o tlaa bolokwa.

A re ka obamisa ditlhogo tsa rona motsotsa fela ka ntlha ya thapelo.

⁸ Rraetsho wa Legodimo yo o pelonomi, go le jaaka letsela le le tona go kgabaganya kago ena mosong ono, tlhogo nngwe le nngwe e ya ko tlase ko loroleng lwa lefatshe. Ka boingotlo re inamisa ditlhogo tsa rona le dipelo tsa rona, mo Bolengtengeng jwa Gago. Mme re a rapela, Rara wa Legodimo, gore Mowa o o Boitshepo o tlaa tla jaanong, o tsene ka mo Lefokong, mme o Le tlise mo pelong nngwe le nngwe fela jaaka Le na le lefelo, le lefelo la bonno. Mma Le ungwe ga lekgolo. Modimo, re rapela gore badumologi, gompieno, ba mpe ba fetoge ba nne badumedi. Le gore Bakeresete ba tlaa itsardwarelala seša, bao ba ba lapisegileng mo tseleng. Mma baitshepi ba kgothatsege, mme mma balwetsi ba fodisiwe. Bua, Rara. Mme mma re abalane tikologong ya Lefoko la Gago fela jaanong, gonne re go kopa ka Leina la Morwa Modimo yo o rategang, Jesu Keresete. Amen.

⁹ Serutwa sa me, mosong ono, fa re ka se bitsa mo go ntseng jalo, e tlaa bo e le molaetsa ko go kereke, ke: *Borakanelo Jwa Nako.*

¹⁰ Mme ka gale, mo metlheng e e fetileng, ditebalebelo di tlhotse di tla kwa bokhutlong jwa tsone, mme re fithe bora—borakanelong. Go na le marakanelo a ditsela mo tselakgolong. Go na le marakanelo mo ditseleng tse re di sepelang mo

lefatsheng lena. Go na le borakanelo mo tselakgolong ena ya kgale e re e sepelelang go ya Kgalalelong.

¹¹ Mme, ka gale, go tlhoka motlholo go bua ka ga bothatirosi. Bothatirosi ke mo go dithata tsotlhe, mme go tlhoka motlholo go rurifatsa bothatirosi. Mme ke fela ka motlholo o o ka dirang seo. Go ruta Lefoko ke selo se se siameng thata, mme rona... go tla, "Tumelo e tla ka go utlwa, mme go utlwa Lefoko," fela go tlhola go tsaya mo go diragalang ka motlholo go rurifatsa gore mothatiotsi o santse a tshela ebile a busa. Re tshwanetse re nne le mo go diragalang ka motlholo. Mme ke dumela gore Kereke jaanong e eme mo serepoding sa thurifatso e kgolo go feta thata ya bothatirosi jo lefatshe le kileng la ba la bo itse. Go nnile...

¹² Mo go phuruphutseng Lekwalo ga me, ka lobakanyana, ke bone marakanelo a le supa a magolo mo Lefokong la Modimo. Mme bosupa ke palo e e feletseng ya Modimo. Rona... Ena—Ena o feleletsa mo bosupeng. O ne a dira malatsi a le marataro, mme, la bosupa, ne a ikhutsa. Lefatshe le teng mo pusong ya lone mo lefatsheng fano, Kereke e bereka ka dingwaga di le dikete tse thataro, sa bosupa ke Mileniamo. Mme tsotlhe dipalo tsena (le) tsa Baebele di itekanetse.

¹³ Mme Modimo o tlhola a le mo nakong. Nako tse dingwe re tharinyana, kgotsa (gannye) go akanya mo go farologaneng gannye, fela moo go tlhola go direlwa maikaelelo. Fela Modimo o tlhola a le mo nakong ka Molaetsa wa Gagwe.

¹⁴ Mme jalo he, gompieno, ke dumela gore re lebagane le sengwe se segolo se Kereke e tshwanetseng go se itse le go se tlhaloganya, gore re tshwanetse re itse se gotlhe mona go leng ka ga sone, mme re go fithele mo Lefokong la Modimo. Gonse ke a dumela, gore, fa—fa go se mo Lefokong, nna fela ke belaelanyana ka ga gone. Fela fa Lefoko la Modimo le bua ka ga gone, fong Modimo, go sa kgathalesege ka fa go ka nnang ga lebega go itlhokomolositse mo temalong ya rona ya thuto, ke Modimo a diragatsa Lefoko la Gagwe. Makgetlo a le mantsi, go ganetsanya le tsela ya rona ya go akanya, kgotsa gongwe ka tsela e re rutilweng go akanya ka yone, fela re tshwanetse re lemoge bothatirosi jwa Modimo fa bo diragadiwa fa pele ga rona.

¹⁵ Jaanong a re boeleng morago lobakanyana, mo menaganong ya rona, mme re ithuteng, metsotsa e le mmalwa fela, ka dingwaga di le mmalwa tse di fetileng se se ntseng se diragala. Ke a dumela, jaaka modiredi wa Efangedi, gore re tshela fela kwa go bonaleng mo go gaufi, ga lekgetlo la bobedi, ga go Tla ga Morena Jesu; go boa ga bobedi... kgotsa go Tla ga Bobedi. Lekgetlo la ntlha, O ne a tla e le ngwana. Nako ena, O tla e le Kgosi ya Kgalalelo, go tlisa pusoloso mo go botlhe ba ba sa obameleng Lefoko la Modimo.

¹⁶ Mme re a dumela, ka pheretlhego yotlhe ena e tona e re tshelang mo go yone, gompieno, jaaka re leba mo tikologong mo

seatleng sengwe le sengwe, mme re tsaya dikoranta, mme re ema fela re tuuletse, mme re latlha go kgamathela ga rona ga letsatsi le letsatsi ga paka ena e e pekang, mme re lebea kwa ntle re bo re lebagana le dintlha tse di tlhomameng, re a bona, go feta moriti ope wa pelaelo, gore sengwe se gaufi fela le go diragala.

¹⁷ Mme ke dumela gore Modimo, ga a ise, ka nako epe, ga go sepe se se leng motholo, kgotsa ga go sepe se se kileng sa diragala, ntleng le fa Modimo a ne a go supeditse pele ka Lefoko la Gagwe. A go senola, a go tlhoma, gore batho ba ba palelwang ke go tsamaya mo go gone, ba kgone...ba tle ba kgone go ema fa pele ga Gagwe, mme o ne a tlaa tshwanela go nna... go ema ntleng ga seipato, ka gore Modimo o go dira gore go tlhaloganyege motlhoho thata. Gore, fa motho a amega mo go lekaneng ka ga gone, o tlaa go bona, fa o amega.

¹⁸ Ga o tle go ja moro o o nang le ntsi mo go one. Nnyaya, rra. Wena—wena o ne o sa tle go dira. O ne o sa tle go nna...O ne o tlaa boifa go ja dijo tse di neng di sa lebege fela sentle, mme di ne di kgotlelesegile. Ka gore, lo a itse, go ka nna ga go naya botlhole mo maleng kgotsa sengwe, mme go tlaa go bolaya mo lobakanyaneng. Mme o ela tlhoko ka ga mmele ona. Fela, mowa oo wa botho, o o tlogela o keteke mo dilong tsa lefatshe, mo o itseng gore go kgotlelesegile ebile go kgona fela go dira selo se le sengwe, go go ise ko tshenyegong. Go sa kgathalesege ka foo o tsholang mmele ona sentle ka teng, le ka foo dijo di leng molemo ka teng, kgotsa ka foo o tshelang ka teng, o tshwanetse o ye ko leroleng lwa lefatshe. Fela mowa oo wa botho o tlaa tshelela ruri, golo gongwe. Ke kampa ka ja moro o o kgotlelesegileng go na le go kgotlela mowa wa me wa botho ka dilo tsa lefatshe, ka nako epe.

¹⁹ Borakanelo! Modimo, ka gale, pele ga marakanelo a matona ana a tla, kgotsa go fela ga nako, kwa A simololang sengwe se seša, marakanelo ka se segologolo, go ya go se sentšhwa, ka tebalebelo e le nngwe go ya go e nngwe, O tlhola a supegetsa Thata ya Gagwe. Motho, go ralala dipaka, o tlhola a kanoka, mme a rute go katosa, ebile a tlhalose go nyenyefatsa, mme a tlogele kgakala le Modimo wa mmannete yo o tshelang. Fela, fela pele ga A dira marakanelo ebile a tsena tebalebelong e ntšhwa, O bonala mo tiragalong, ka ditshupo tse dikgolo tsa motlholo le dikgakgamatso. O tlhotse a go dira.

²⁰ Lebelelang tshenyo ya ntlha ya lefatshe, borakanelo jwa ntlha. Morago ga lefatshe le sena go bopiwa, mme Modimo a beile motho mo lefatsheng, Baebele e rile ba ne ba simolola go aga metse, dithulaganyo tse ditona tsa dikago di ne tsa tswelela mo lefatsheng.

²¹ Go lebeleleng gompieno. Jesu o ne a bua go tlhaloganyege motlhoho a re, “Jaaka go ne go ntse mo metlheng ya ga Noa,

go tlaa nna jalo mo go Tleng ga Morwa motho.” Selo se se tshwanang.

²² Lo a lemoga, ba ne ba bone tsela ya go dira ka kopore. Ba ne ba bone tsela ya go dira ka kgotlho, le ka tshipi, fela pele ga tshenyo ya nako ya morwalela.

²³ Lebang letsatsi le re tshelang mo go lone jaanong, ka fa kago! Ba ne ba re, “Batho ba ne ba ntsifala mo godimo ga lefatshe.” Leba mo tikologong ya rona . . . le e leng motsenyana wa rona o, mme o tshwantshanye motsenyana ona, dingwaga di le mmalwa tse di fetileng, wa dikete di le lesome le bonê, jaanong go batlike go le dikete di le masome a mabedi le bosupa kgotsa go feta. Ebile ga o kake wa bona lefelo ka boutsana le le tona mo go lekaneng go tlhola, o tsoma mebutla. Gotlhe ke kago ya matlo. Go ntse jalo. Go aga! Go oketsegä! Go ntsifala!

²⁴ Mme O ne a re, “Fa ba simolola go ntsifala, fong boleo le boikepo di ne tsa tsena.” Moo ke lengwe la masupatsela a matona, gore re kwa bokhutlong jwa tsela; nngwe ya ditshupo tse dikgolo.

²⁵ Lemogang, mo nakong eo, go ne go na le monna ka leina la ga Nimerote, yo neng a tswela ntle mme a aga motse o motona wa Babilone, mme a kopanya metse yotlhe e e dikologileng, gore ba tle botlhe ba kopane ga mmogo. Mme go tlaa nna le motse o le mongwe o mogolo, mme oo e ne e tlaa nna Babilone. Le ka fa Modimo a neng a nyatsa bokopano joo jwa tsamaiso ya lefatshe!

²⁶ Go lebeleleng gompieno, selo se se tshwanang. Go kopana ga badiri, batho ba ipofaganya ga mmogo ka dikopano le ka—ka dikgole tse di farologaneng, le ka lekoko la kereke. Go ba bofaganya bottlhe ga mmogo, go senyake molelwane, go senyake ka—kabalano magareng ga bakaulengwe ba ba farologaneng. Bokopano, sengwe sa ditshupo tse dikgolo tse Modimo a di neileng mo tshenyong ya ntla, re go bona go bonala fano mo tshenyong ya bofelo. Lo a go bona?

²⁷ Lemogang, mme selo se sengwe se a se dirileng kwa morago koo, re go lemoga ka nako ya pherethlo e kgolo ena, fa pelo ya banna e ne e simolola go tsidifala le go tloga mo Modimong, basadi ba ne ba fetoga ba nna modimo yo o jalo wa seseto. “Erile bomorwa Modimo ba ne ba bona bomorwadia batho, gore ba ne ba le bantle—bantle,” ba fetoga go nna tsamaiso ya thobalano.

²⁸ Go lebeleleng gompieno, se re tshelang mo go sone. (Ke sa bueng kgatlhanong le basadi ba ba tlötlegang. Nnyaya, rra. Bone ke didiriswi tsa Modimo.) Fela bao ba ba sa itlhokomeleng; ka fa go nang le ba le bantsi thata mo lethakoreng la ba ba ganetsanyang, ba tsamaya tsamaya, “ba nyala, ba neelwa mo nyalong.” Modimo o buile jalo, mo Baebeleng. Jesu o rile, “Pele ga nako ya ga Noa,” kwa bokhutlong, “ba ne ba nyala ebile ba neela mo nyalong.” Ka fa pherethlo e kgolo e leng ka gone mo lefatsheng gompieno! Mme re lemoga seo. Mme selo se le sengwe

se se bakileng seo, Baebele ne ya re mewa (mewa e metona) e ne ya fologa, mewa e e bosula, mme ya tsena mo bathong bana ya bo e dira dilo tsena. Mme re bona mewa e e bosula e e tshwanang e dira mo motlheng wa rona.

²⁹ Mme jaanong lemogang gape, gore, eseng fela seo. Fa dihele tsotlhe di gololesega, Legodimo lotlhe le a gololesega, le lone. Fa mmaba a tsena jaaka morwalela, Mowa wa Modimo o tlhatlosa seelo kgatlhanong le gone. Mme dithata tse pedi tsena di tlhola di supiwa kwa borakanelong.

³⁰ Jaanong, jaaka re bona gore nako e Nimerote a neng a tlisa bokopano jotlhe ga mmogo, mme a dira gore batho botlhe ba tle ko Babilone mme ba tle mo bokopanong jo bogolo jona, le nako ya bosula jotlhe e diragala magareng ga basadi, go ya ka tlhakanelo dikobo, le jalo jalo; ka nako e e tshwanang, Modimo o ne a na le mosupi mo lefatsheng: Enoke, yo neng a tsamaya le Modimo, a sena molato. Mme ka nako e e tshwanang e bosula bo neng bo bonala ka yone, baengele ba ne ba bonala mo lefatsheng. Ditshedi tsa baengele di ne tsa tsamaela mo mothong.

³¹ Setshwantsho se se ntle thata sa gompieno, le gone. Jaaka bosula bo bonala, molemo o bonala jalo.

³² Mme lemogang morago koo mo motlheng oo o o bosula, fela pele ga tshenyo, fa Modimo a ne a na le monna ko ntle a rera Efangedi, monna yo o humanegileng, monna yo o ikobileng, a se mo gontsi thata ga lefatshe, fela monna yo neng a na le pelo go reetsa Modimo; Noa. Go ne go na le Noa le Enoke, ba rera, ka nako e e tshwanang.

³³ Mme fa lo lemoga, ka ko go Tshenolo 11, e ne ya re, "Ke tlaa naya basupi ba Me ba babedi thata mo motlheng wa bofelo," basupi ba le babedi gape mo motlheng wa bofelo, Tshenolo 11, "mme ba tlaa dira ditshupo le dikgakgamatso mo gare ga batho."

³⁴ Lebang morago koo ka nako eo, jaaka Noa le Enoke ba ne ba rera. Mme Noa o ne a rera molaetsa o o neng o lebega o peka thata ko lefatsheng. Mme Noa . . . Gone ke mona jaanong. Noa o ne a baakanya areka, a dira lefelo la pabalesego. Mme moo e ne e le motlholo ka Boone. Ka fa e leng gore motho, mo lefatsheng le le omeletseng, kwa metsi a neng a ise a tle gone, o ne a baakanya areka go kokobala mo lewatleng le le maatla le le neng le tlaa nna teng. Mme a re, "E ne e fologa go tswa mo mawaping," mme e ne e le kae? "Fela ka tumelo," mo e leng motlholo ka Boone, "Noa, a tlhagisitswe ke Modimo, ne a baakanya areka." Lo a go bona? Go sa kgathalesege ka fa go neng go lebega go le boeleele ka gone, ka fa go neng okare go ne go le bogogotlo ka gone, mo bathong; e ne e le motlholo, ka Boone, go bona motho a thulakaka. Gore sengwe se ne se lebega se le bogogotlo.

³⁵ Go boeletswa gape gompieno. Fa motho a kobota kgakala kwa Efangeding ya ga Morena Jesu Keresete, a rera kolobetso ya Mowa o o Boitshepo, a baakanyetsa batho dikatlholo tse di tlang,

kgotsa thebe mo go gone. Mme batho ba kereke ya segompieno ba tshega ebile ba tlaopa, ebile ba re, “Ga go na sepe sa Gone. Mme malatsi a metlholo a fetile.” Ke motlholo, lesupatsela kwa marakanelong.

³⁶ Noa, a bereka, e seng fela gore o ne a na le... a diragatsa motlholo, kgotsa a leba... O ne a soloftse, gape, motlholo.

³⁷ Mme Kereke gompieno, jaaka E bereka ka thata mo tlase ga tiro ya go rera Efangedi, ka ditshupo le dikgakgamatsotso di latela, ba baakanyetsa motlholo: Phamolo ya Kereke, le go ya Gae. Go baakanya batho, go ba tlisetsa Lesedi, ba imologile mo dilong tsa lefatshe, mme ba dira gore mewa ya bone ya botho e tlhomege mo Bolengtengeng jwa Modimo, gore fa Jesu a bonala lekgetlo la bobedi, ko kgalalelong, bao ba ba ipaakantseng ba tlaa phamolwa mme ba tsholediwe mmogo, go Mo kgatlhantsha mo loaping mme ba nne le Ena.

³⁸ “Jaaka go ne go ntse mo nakong ya ga Noa, go tlaa nna jalo mo go Tleng ga Morwa motho; ba ja, ba nwa, ba nyala, ba neelwa mo nyalong,” dilo tsotlhe tseo tse lo bonang di diragala. Bulang... Modimo a dumelele, gompieno, gore o bule... Modimo a bule tlhaloganyo ya gago, gore o kgone go bona gore tsena ke masupatsela. Mme metlholo ya bofetatlholego e kaletse gone fa pele ga rona gompieno, ya go Tla ga Bobedi ga Morena Jesu Keresete, mme re kwa borakanelong. Lemogang.

³⁹ Mme jaaka Noa a ne a simolola go tlhagisa batho, mme a rera, ba le bantsi ba bone ba ne ba mo tshega, ba ne ba mo sotla, ka gore molaetsa wa gagwe o ne o lebega gotlhelele o sa tlhalosege.

⁴⁰ Mme gompieno, batho ba ka kgona jang gompieno... fa ba re, “Re na le dingaka tse di botoka go gaisa mo lefatsheng. Re na le dikokelwana tse di botoka go gaisa tse re kileng ra nna natso. Re na le gotlhe *mona, mole*, le *mo gongwe*. Goreng re tlaa tlhoka...”

⁴¹ Reetsang. Gompieno, re tlhoka phodiso ya Semodimo mo go maswe go feta ka fa re kileng ra ba ra e tlhoka. Mme jaaka malatsi a tswelela, go tswelela, le go tswelela, e tlaa tlhokega jalo go feta le go feta. Mme go tlaa diragala, morago ga sebaka, gore ntleng le fa motho a kaneletswe ka Mowa o o Boitshepo, go bokete go bolela, o ne a ipaya a bulugiletse mehuta yotlhe ya dilo. “Se tle gaufi le ope wa bao ba ba nang le Sekano sa Modimo mo phatleng ya bone, nako e dipetso tse di boitshegang tseo di simololang go fologa.” Re kwa borakanelong, makopanelong a ditsela jaanong.

⁴² Mme jaaka re lemoga, ebile re bona Noa, ka fa a neng a tsamaya ka gone, a tlhagisa batho, a re go ne go tla pula. Batho ba ne ebile ba sa itse se pula e neng e se raya. E ne e ise e ne.

⁴³ Mme go na le batho mo lefatsheng, gompieno, morago ga dingwaga di le dikete tse pedi tsa go rerwa ga Efangedi, ga ba itse se go se rayang go tsalwa seša ke Mowa wa Modimo. Ga ba itse

se bothataosi bo se rayang. Eng? Modimo mo thateng ya Gagwe e kgolo ya dithata tsotlhe e e kgonang go fetola mowa wa botho go tswa mo mo—moleofing wa mo mmileng, go ya maemong a boengele mo Bogosing jwa Modimo, jaaka morwa le morwadia Modimo. Ga ba go tlhaloganye. Bona ba tseega maikutlo thata, ba pekisiwa ke dilo tsa lefatshe. Go tsabakela, ba tshameka le lefatshe, mme ba sa lemoge gore moo ke mowa o o bosula, le lesupatsela le le tona la go tshwaya la batho ba mothla ona, go ela tlhoko le go ipaakanya. Jesu ne a re, “Fa dilo tsena di simolola go diragala, tsholetsang ditlhogo tsa lona, thekololo ya lona e a atamela.”

⁴⁴ E seng seo fela, fela Modimo o ne a supegetsa ditshupo ka Enoke, O ne a supegetsa ditshupo ka Noa, mme lefatshe le ne la go tshega. Fela, letsatsi lengwe, go ne ga tla tumo ya maru le legadima. Go ne ga tswa molelo ko legodimong. Dikgadima le ditumo tsa maru di ne tsa simolola go duma. Moo e ne e le motlholo, ka bogone. Mme pula e ne ya simolola go na.

⁴⁵ Fela motlholo o mogolo ke ona. Motlholo e ne e le gore ka fa Modimo a neng a dira gore ngwana wa Gagwe yo o dumelang a tsenngwe mo arekeng ya pabalesego. Nako yotlhe tumo ya maru e ne e tsweletse, pula e ne e na, Noa o ne a ikhuditse mo arekeng le Modimo, a tlhomamiseditswe pele, a laoletswe pele, go tsena ka mo arekeng eo. Nako e dipetso di neng di fologa, Noa o ne a ikhuditse, mo botshabelong; yo o neng a tshegiwa, o ne o tsene ka mo boikhutsong.

⁴⁶ Bao ba ba tshegang ebile ba ba tlaopa, gompieno, ka gore o eletsa go tshela botshelo jo bo tletseng jo bo ineetseng mo go Morena Jesu, ga ba lemoge gore wena o tsentswe mo tlase ga mabogo a Gagwe a bosakhutleng. Ga ba lemoge gore o ikhuditse fela o babalesegile jaaka o ka kgona go nna ka gone, mo Bothataosing, mme ga go sepe se se ka go utlwisang botlhoko.

⁴⁷ Areka e ne ya simolola... metsi a ne a simolola go tla, mme batho ba ne ba simolola go goa le go lela, le go goeletsa le go tswelela. Mme mo boemong jwa areka e ntse foo, e ne ya kokobala gone ko godimo, nako yotlhe, e rwele Noa ebile e mo kunkuretsa go tswelela mo makhubung. Go tlhomame. E ne e le lesupatsela. Modimo o ne a feela le lefatshe gore le nne phepa, ka ga boleo. O ne a ile go simolola le leša. Ditshupo le dikgakgamatsso di tlhagelela pele ga A go dira.

⁴⁸ Lemogang, kwa go hudugeng, nako e Modimo a neng a golola Iseraele, ba ba neng ba le mo bokgobeng, golo ko Egepeto. Pele ga Modimo a retolosetsa monwana o le mongwe ko go Iseraele, selo sa ntsha se A se dirileng e ne e le go diragatsa sesupo sa bofetatlholego, go supegetsa gore O ne a le Mothatiolhe, gore O ne a santse a tshela. Baperesiti le rabi, le jalo jalo, ba motlha oo, ba ne ba gopotse gore Modimo o ne a sa tlhole a le teng, fela jaaka ba dira gompieno. Fela Modimo o santse a le Mothatiolhe, mme

O santsane a diragatsa motlholo. Mme ba ne ba gopotse gore o ne a sa tlhole a le teng. Fela gone mo gare ga nako eo, Modimo o ne a fologela ko lelwapeng le le ikobileng, le le ingotileng la ga Lefi, mme a tsala morwa, yo e neng e le mogolodi.

⁴⁹ Le ka fa Moshe yo monnye yoo a neng a tsenngwa mo arekeng ena. Ke eletsa re ka bo re na le nako ya go tsena mo go gone mme re go tlhalose, ka fa ba neng ba mo isa ko ntle ko nokeng koo. Mme foo, mo gare ga dikwena, le sengwe le sengwe se sele, ne a diragatsa mo go diragalang ka motlholo.

⁵⁰ Ka fa A neng a boloka Moshe, gone mo nakong, ka fa e leng gore fa ba ne ba akanya gore malatsi otlhe a metlholo a ne a fetile. Fela ba ne ba le kwa borakanelong. Ba ne ba na le Lefoko. Ba ne ba tshotse masapo a ga Josefa. Bao ba ne ba siame. Ba ne ba le ditshupo, ee, gore Modimo o ne a santse a tshela ebole a busa, ebole o ne a le jalo mo motlheng o le mongwe. Fela eseng moo go le nosi, fela le fa go ntse jalo, ntleng ga Lefoko, ba ne ba na le Modimo mothatiolthe Yo o sa kgoneng go palelwa, Yo o tshwanang maabane, gompieno le ka bosaeng kae, Yo o neng a aeme mo gare ga bone bottlhe.

⁵¹ Mme fa dingwageng tsa masome a manê, fa Moshe a ne a eme fa letlhakoreng la noka... kgotsa letlhakoreng la sekaka, Modimo ne a fologa ka popego ya Moengele. Mme Modimo, pele ga A ne a nyeletsa Egepeto, mme a gogela bana ba Gagwe ko ntle a bo a fetola tebalebelo yotlhe, O ne a bonala mo lefatsheng mme a romela Baengele ko bahumaneging le batlhoking. O ne a diragatsa ditshupo le dikgakgamatso. Mme O ne a supegetsa Moshe Kgalalelo ya Gagwe. Ka fa e leng gore o ne a kgonago tsaya thobane mme a dire motlholo. Ka fa a neng a kgonago bayo diatla tsa gagwe mo sehubeng sa gagwe mme a se fodise, se na le lepero.

⁵² E ne e le eng? Re na le nako ya go fetoga. Re na le ditsela tsa marakanelo. Mme Modimo yo mogolo yo o sa fetogeng Yo neng a le mo—mo... ke mo go sa fetogeng, Yo o diragaditseng dilo tseo kwa marakanelong a nako, tse di fetileng, ke mo go fetang ga kae mo A tlaa go dirang jaanong fa dihele tsotlhe di ntse di šakgetse mme nako ya bokhutlo e le fano! Ena o a tshwana. Ga a palelwe. Mothatiolthe o kgotsofatsa mo go diragang ka motlholo. Go tlhomame. Mo go sa phuruphutsegeng... Go akanya mo go sa tlhaloganyesegeng ga motho ga go kake ga tlhaloganya mo go diragalang ka motlholo. O tshwanetse o kopane le Bothatiosi. Mme fong fa o dira seo, o amane le Bofetatlholego. Botshelo jwa gago bo a fetoga, go akanya ga gago go a fetoga, monagano wa gago o a fetoga. O dirilwe mo go farologaneng. Bolwetse jwa gago bo a nyelela. Thata e kgolo ya Modimo e a tsena.

⁵³ Moshe, kwa sekgweng. O ne a bona mme a utlwa Mothatiolthe, mme o ne a bona mo go diragalang ka motlholo. Modimo o ne a sa kgotsofatswa ke go naya Moshe molaetsa fela,

go fologa a bo a rera, go le nosi, ko Baegepetong, le go rere la Baiseraele. Modimo, Mothatiotlhe le Modimo yo o diragatsang ka metlholo, e ne e se mo—Modimo go go senolela fela motho a le mongwe. Fela O ne a re, “Tsaya ditshupo tsena!” Haleluya! “Tsaya ditshupo tsena mme o di supegetse golo koo. Ke tlaa bo ke na nao.”

⁵⁴ Phetogo! Marakanelo a ne a tlide; nako ya gore sengwe se diragale. Fela pele ga selo seo se diragala, Modimo o naya tlhagiso ya Gagwe. “Ke santse ke le Jehofa. Ke santse ke tshela. Mme Nna ke mothatiotlhe. Ebile Nna ke Modimo yo o diragatsang ka metlholo.”

⁵⁵ Mme jaaka a ne a fologela ko Egepeto, o ne a tsaya thobane ya gagwe a bo a e latlhela faatshe, mme a fodisa seatla sa gagwe se se nang le lepero, mme a dira dilo tseo.

⁵⁶ Fong ke batla lo lemogeng, nako nngwe le nngwe e mo go diragalang ka motlholo go neng go dirwa ka yone, Satane o tlhola a le teng go go iketsisa. Mme jaaka a ne a iketsisa mo motlheng oo, o santse a le moiketsise yo o tshwanang gompieno. Le e leng maiketsiso a gagwe a supa fela kwa nakong ya bokhutlo kwa borakanelong.

⁵⁷ Ba ne ba na le didupe dingwe tsa kgale, le golo koo, ka leina la Janese le Jamborese, ba ba neng ba emeleta. Mme ba ne ba kgona go latlhela dithobane tsa bone faatshe ba bo ba di fetola go nna dinoga, le jalo jalo, mme ba dire fela jaaka ena, ba dirile. Fela Modimo ne a rurifatsa yo e neng e le Modimo. Ba ne ba kgona go tlisa dipetso, fela ba ne ba sa kgone go dirafatsa phodiso ya Semodimo, ka gore Modimo a le esi o kgona go fodisa. Mme ba ne ba kgona go tlisa seso, fela ba ne ba sa kgone go se tlosa. Modimo o ne a ema mo Thateng ya Gagwe foo, go supegetsa gore phodiso ya mmannete ya Semodimo e ne e le mo go diragalang ka motlholo wa Gagwe, go netefatsa Bothatiosi kwa borakanelong jwa tsela.

⁵⁸ Baegepeto ba ne ba bitsa diso, fela ba ne ba itšhweretlhissa. Fela motlhanka wa Modimo o ne a kgona go di tlosa. Goreng? Ba ka kgona go iketsisa.

⁵⁹ Re rutiwa, mo metlheng eno ya bofelo, gore go tlaa nna le selo se se tshwanang. “Jaaka Janese le Jamborese ba ne ba ganetsa Moshe, le bone ba tlaa gana Boammaaruri jalo; batho ba monagano o o tlhobogilweng, mabapi le tumelo.” Ka fa e leng gore ba tlaa dira! “Ba ba tlhogothata, ba ba ikgogomosang; barati ba dikgatlhego bogolo go Modimo; e le ba ba sa itshwareleng, ba sena boithibo. Ba tshotse setshwantsho sa poifoModimo.”

⁶⁰ Ao, ka fa letsatsi le re tshelang mo go lone e leng, tsela ya borakanelo; kwa bokhutlong jwa tsela, bokhutlong jwa paka! Modimo o a go netefatsa. A letsatsi le le gakgamatsang go tshela mo go lone.

⁶¹ Modimo o ne a ba netefaletsa, a bo a Ithurifatsa, mme a amogela kgalalelo. Ka fa e leng gore O ne a fologela koo ko Egepeto mme a itaya setshaba! Ka fa e leng gore O ne a hudusa Iseraele mo diphukeng tsa ntsu, mme a diragatsa ditshupo le dikgakgamatso, ka gore Ena ke Mothatiotlhe wa rona. Mme Ena o dira mo go diragalang ka motlholo.

⁶² Pele ga A ne a nwetsa dikaraki tsa ga Faro, O ne a naya mohuta mongwe le mongwe wa sesupo. O ne a naya ditshupo tsa phodiso ya Semodimo. O naya ditshupo le dithurifatso tsotlhе tsa thata ya Gagwe. Ka fa A neng a kgona go boloka morwa yo motona, kgotsa a tseye morwa yo motona. Ka fa A neng a kgona go senya, kgotsa ka fa A neng a kgona go boloka botshelo ka gone. Ka fa A neng a kgona go diragatsa metlholo ka gone. O ne a kgona go dira mo go diragalang ka motlholo. Le ka fa letsatsi le ngwedi di neng tsa fetoga tsa nna lefifi ka gone! Ka fa sefako se neng sa anama mo mmung ka gone. Ka fa legadima le neng la anama mo lefatsheng mme la bolaya dikgomо, le jalo jalo, fela jaaka go dirile mo metlheng ya ga Noa.

⁶³ Mme O ne a re, “Mo metlheng ya bofelo, ngwedi e tlaa palelwa ke go ntsha lesedi la yone, mme letsatsi ga le tle go phatsima. Mme e tlaa fetoga e nne e e ntsho jaaka letsela la kgetse; e rothe jaaka madi,” fa e fitlha sefatlhego sa yone e bo e lela, ka boyone, mme e huhule marothodi a a madi a khutsafalo. Modimo o tlaa bo a le mo lefatsheng, Mothatiotlhe, a dira metlholo. Go tlhomame. O a kgona. Ena ke mothatiotlhe. Akanya ka ga gone.

⁶⁴ Koo, golo koo ko Egepeto, ka foo A neng a diragatsa ditshupo tseo le dikgakgamatso, le dilo tse A di dirileng! Ena ke Modimo. Ga go ope yo o ka tsayang lefelo la Gagwe.

⁶⁵ Lemogang, Modimo ne a diragatsa motlholo wa Gagwe, mme O ne a naya Faro tshono. Mme Faro o ne a palelwa a bo a gana go iteka lesego. Go ne go se sepe se se neng se setse.

⁶⁶ Fa motho a gana boutlwelo botlhoko jwa Modimo, go na le selo se le sengwe fela se se setseng, moo ke katlholo. Mme, tsala ya me e e rategang, gompieno, Modimo a re thusa, fa o bona bokhutlo jwa temana ena bo tla, mme fa o gana boutlwelo botlhoko jo o bo neilweng ke Jesu Keresete, Mowa o o Boitshepo, ga go tle go nna le sepe se se setseng fa e se katlholo ya Semodimo. Ga go kake ga nna le sepe se se setseng.

⁶⁷ Faro kgabagare o ne a leofa gore letsatsi la gagwe la letlhogonolo le tloge mme go ne go sena sepe se se setseng, ka gore borakanelo bo ne bo le gaufi. Mme Modimo o ne a direla nako borakanelo.

⁶⁸ Erile Lote le Aborahame, nako e nngwe, motlhang Aborahame a neng a tshwanetse go nna mmusi wa lefatsheng, peo ya gagwe e ne e tshwanetse go gasama mo lefatsheng. O ne a na le Lote setlogolo sa gagwe ena, yo o neng e le wa lesika.

⁶⁹ Mme a setshwantsho se se ntle gompieno sa kereke e e tsididi, e e gwaletseng e e itlhokomolosang; ko Kerekeng e e tsetsweng ka Mowa, e e itshenketsweng, e e bileditsweng ntle, e e lomolotsweng ya Modimo yo o tshelang. Ba nna mmogo mo poeng e e tshwanang.

⁷⁰ Fela gone kgabagare go ne ga tla nako kwa Lote a neng a tsaya setlhophpha sa gagwe se segolo mme a fologela ko Sotoma le Gomora, kwa ba tlaa bong ba tumile, kwa ba tlaa tsayang lefatshe le le tlhophegileng. Mme Aborahame ne a nna mo thatong ya Modimo mme a tsaya lefatshe le le humanegileng. Sara, mosadi wa gagwe yo montle, le Aborahame, ba ne ba nna mo mmung o o bahumanegileng, gore ba kgone go direla Morena.

⁷¹ Modimo ga a solofetse bolao jwa dithunya jo bo matobetobe. O sekwa wa dira Mokeresete go nna selo maaka. Mme o sekwa wa dira Molaetsa go nna selo sa maaka, ka go ba bolelala, gore, “Sengwe le sengwe se ile go siama. Ga go sepe se se ileng go go utlwisa botlhoko. Ga go sepe se se ileng go dira. Ga go na diteko dipe kgotsa sepe.” Moo go phoso.

⁷² Jaaka mmoki a buile, “A ke tshwanetse ke rwalelwé ko Legodimong mo bolaong jwa boiketlo, fa ba bangwe ba lole go gapa sekgele mme ba ralala mawatle a a madi?” Nnyaya, rra.

⁷³ Modimo ga a solofetse ga boiketlo le katlego. Fela O solofetsa letlhogonolo, go itshoka mo nakong nngwe le nngwe. Ke letlhogonolo le re solofelang mo go lone.

⁷⁴ Aborahame o ne a tlhophpha tsela ya Modimo. O ne a nna ko godimo ga thaba, le fa go ne go sena bojang jo bontsi jwa dikgomo tsa gagwe. Fela, Lote, setshwantsho sa lefatshe le le kgelogileng, kereke e e sa dumeleng ka ga mo go diragalang ka motlholo. Fong kgabagare go ne ga tla go fitlhela dilo tseo di ne di feleletse mo Modimong, go fitlhela go ne go tshwanetse go tla borakanelo. Go ne ga tshwanela go nna le nako. Gonno, Aborahame o ne e le mojaboswa wa lefatshe.

⁷⁵ Ao tlhe Modimo, goreng Bakeresete ba sa kgone go bona? “Go sego ba ba pelo tse di itshekileng; ba tlaa bona Modimo. Go sego ba ba pelonomi; ba tlaa rua lefatshe.” Nako ya borakanelo e gaufi; Rraetsho go supegetsa gore re kwa nakong ya bokhutlo. Lo a bona? Mo go diragalang ka motlholo, bofetatlholego, Mothatiotlhe a dira mo go diragalang ka motlholo. Mo lebeng.

⁷⁶ Jaaka ka nako ya ga Aborahame, fela pele ga nako ya bokhutlo, lebang se se diragetseng mo lefatsheng, golo ko Sotoma, mo motseng o mogolo.

⁷⁷ Aborahame ne a nna mo tanteng, yo neng e le mojaboswa wa dilo tsotlhe, a nna mo tanteng. Jalo ga e kgane mmoki a ne a kgona go re, “Tante kgotsa mokgoro, goreng ke tshwanetse go kgathala?” O mojaboswa wa dilo tsotlhe, fa o le mo go Keresete. Modimo o Mo neile lefatshe, mme Ena ke Kgosi. Mme re mo go

Ena, mojaboswa wa dilo tsotlhe, tsa bothatiosi, tse di diragalang ka motlholo, le kwa marakanelong a nako.

⁷⁸ Lemogang ka tlhoafalo jaanong, jaaka re tswelela re tsena ka mo go sena. Thokomelang ka foo Modimo a dirileng ka gone fela pele ga nako ya bokhutlo.

⁷⁹ Lote, golo ko Sotoma. Tshokamo e ne e le e e oketsegang. Batho ba ne ba fetoga go nna baratani ba bong jo bo tshwanang, ba ba sokameng, ba fetola tsela ya tlholego ya mokgwa wa motho go ya ko ditseleng tse di sokamisitsweng.

⁸⁰ Lebelelang lefatshe gompieno. Selo sotlhe se fetoga go nna tebalebelo e e sokamisitsweng. Mme mafelo a matona, kwa banna ba yang go ithuta bodumedi, mo dikolong tse ditona. Mme ke ne ka go bua ka bo ka go itse, kwa banna ba sa lettelelweng go nyala basadi, fela go boitshega thata. Le ka fa e leng gore mo dikolong gompieno, mo dikerekeng tsena tsa segompieno golo koo, ka fa selo se segolo sena! Banna ba ne ba nwa ebile ba goga, mme ba tlhotlhelaetsa dithato, ba bo ba leleka basetsana ba banana le jalo jalo, mme ba simolola mo boseeng jwa bone, go fitlhela tsela ya bone ya mmatota ya botshelo e sokamisitswe. Modimo o ba neetse ka ko ditshenyegong. Mme matshelo a bona a nnile a tswakantswe go fitlhela ba sa tlhole ba le banna le basadi ba tlholego. Diabolo o ba tshwere thata.

⁸¹ Lebelelang borakanelo foo ka Sotoma le Gomora. Lebelelang borakanelo mo metlheng ya ga Noa, ba nyala ebile ba neela mo nyalong. Le bona lesupatsela? Go diragetseng? Ka nako e e tshwanang, Modimo o ne a na le moporofeti mo lefatsheng.

⁸² Pele ga nako ya bokhutlo... Gone ke mona. Reetsang! Ka gale, pele ga nako ya bokhutlo, nako e Satane a gololang baiketsisi ba gagwe, Modimo o romela baporofeti ba Gagwe. Mme re a bolelelwya mo Baebeleng, gore, “Mo motlheng wa bofelo makau a lona a tlaa bona diponatshegelo, le mo malateng le batlhankeng ba Me.”

Baporofeti ba tlaa bonala gape mo lefatsheng. Baboni ba diponatshegelo ba tlaa bonala mo lefatsheng, kwa nakong ya bokhutlo. Re fano. Re kwa borakanelong. Go porofetilwe ke baporofeti botlhe ba ba boitshepo, go fologa go ralala paka, mme ga bolelelwya pele ke Lefoko la Modimo le le boitshepo. Nako ya bokhutlo: ka fa Morena a tlaa dirang ka gone, ka fa ditshegofatso tsa Gagwe di tlaa nnang ka gone, le se diabolo a tlaa se dirang mo metlheng eo, se se tlaa diragalang, nako ya bokhutlo.

⁸³ Boitshepo jwa Modimo ga bo kgone go itshokela boikepo jwa lefatshe. Fela pele ga A go tlisa kwa borakanelong, O romela ntle dipekepeke tse di khubidu tsa tlhagiso. Eseng fela moo, fela pele ga Modimo a ne a senya Sotoma le Gomora, Ena gape o ne a romela Baengele ko lefatsheng, ba ba neng ba itswakanya mo gare ga batho.

⁸⁴ Mme pele ga nako ya bokhutlo, Modimo o soloeditse gore O tlaa romela Baengele. Mme re a ba bona. Ba tla ka Melaetsa ya Modimo mothatiotlhe. Nako ya borakanelo! Go sa fete dibeke di le tharo tse di fetileng, go bona Yo o maatla yoo a eme foo, Yo neng a eme esale ke le mosimanyana, mme a bua. Ga ke segogotlo; lo itse seo. Fela ke go diragatsa Dikwalo.

⁸⁵ Ke akanya gore kereke ena e tshwanetse go itse Boammaaruri, le sesupo kwa re leng gone; gore ga lo tle go tshwakgafala; gore lo tlaa bo lo tsogile mme lo dira; gore dipharologanyo di tlaa rarabololwa, mme lo tlaa tsamaya jaaka banna le basadi ba ba poifoModimo ka mmannete, pelo ya gago e tlhomegile mo go Keresete. Mme lo sekwa lwa leba mo dilong tsena tsa maaka tsa lefatshe, ka gore ke tsa ga diabolo; dikomang tsotlhе tsena le dintwa, le di dipetapetano le tse di farologaneng. Lebang kgakala le tsone. Re kwa bokhutlong. Mme, gakologelwang, lo ka nna lwa se nne le beke e nngwe go go dira mo go yone. Ga ke itse. Ke Modimo a le nosi yo o itseng. Re fano fa bokhutlong.

Go ne go na le Noa, mo nakong ya gagwe.

Iseraele ke ena, mo nakong ya bone.

⁸⁶ Aborahame ke yona, kwa borakanelong jo bo latelang, magareng ga (le-lefatshe) ga tlholego le ga bofetatlholego. Baengele ba ne ba fologa. Ba ne ba lebega jaaka banna. Kgalalelo! Mme ba ema fa go Aborahame, moporofeti, mme ba mmolelala, “Aborahame, Modimo o tlaa diragatsa ga bofetatlholego. Go ka nna nako ena, ngwaga oo tlang, go ya ka botshelo, Ke tlaa lo etela. Mosadi wa gago, a le dingwaga di le lekgolo, mme lo tlaa tsala ngwana. Ke tlaa go supegetsa thata ya Me, phodiso ya Semodimo. Ke tlaa go fetola, mme ke go busetse ko lekaung gape. Mme ke tlaa fetola Sara, mme ke mo dire motho yo o farologaneng.” O tlaa mo dira mothepana. “Ke nna wa tse di diragalang ka motlholo. Ke nna mothatiotlhe. Ke dira tse di diragalang ka motlholo. Amen. Ke tlaa lo supegetsa thata ya Me. Aborahame, re kwa nakong ya borakanelo. Mewa e e bosula e golo ka kwa ko Sotoma. Ee. E dira mo gare ga lefatshe golo koo.”

⁸⁷ E dira fano gompieno. Botlhapelwa, le mokgabo, le go bua metlae e e senaga, le dilo tsotlhе tsena tse di leswe mo seromamoweng, thelebishine, le e sang le go tlthatlhobiwa kgotsa sepe se sele. Le go sokamisa, nako tse dingwe, Efangedi, go nna tiragalo ya tsa semorafe. Lefatshe lotlhе le sokame. Fela nako e e tshwanang e lefatshe le sokameng, badumedi ba fetoga go nna ba ba sokologileng, ko go Morena le Thata ya Modimo, ka go bereka le go bonala ga Bothatiosi. Ka fa e leng gore Modimo, mo boutlwelong botlhoko jwa Gagwe, o bonagatsa dilo tsena!

⁸⁸ Ne a re, “Aborahame,” fa moporofeti yona a ne a santse a dutse fa tlase ga tante ya gagwe, e le monna mogolo, golo ko lefatsheng le le sa ungweng. O ne a kgathala eng? Tante, kgotsa

mokgoro, eng, ga go a ka ga mo direla pharologanyo epe. O ne a le mojaboswa wa gone gotlhe. Sengwe le sengwe e ne e le sa gagwe, mme o ne a go itse.

⁸⁹ Modumedi o itse jalo gompieno. Ke eng se re se kgathalelang ka ga dilo tsena tsa selefatshe? Ke sone se ke tlogetseng dikopano, e se bogologolo, ka gore ga ke na go nota batho go bona meneelo. Ga ke kgathale se batho ba se buang, ke dumela gore Modimo o mogolo mo go lekaneng go tlamela sengwe le sengwe se A se tlhokang. Ee, rra. Go botoka ke je mafofora a soda le go nwa metsi a molatswana, mme ke rere Efangedi, go na le go nna le dilo tse di siameng thata tsa lefatshe. Go sa kgathalesege, fa re ba dira gore ba ineele mo diatleng tsa Gagwe, mme re senka Bothatiosi. Go ntse jalo.

⁹⁰ Lebelelang kwa go leng gone. Mme re Mmona jaaka A tswelela a latela, jaaka Aborahame a ntse mo tlase ga tante ya gagwe, mme Baengele bana ba ne ba bonala kwa go ena.

⁹¹ Ba ne ba tswelela ba fologela ko Sotoma le Gomora. Mme re fitlhela gore Modimo, mo motlheng oo, ne a diragatsa metlholo. O ne a ntsha molelo go tswa mo mawaping mme a nyedisa motse ka bofeso, mme a phepafatsa lefatshe, mme a le naya Aborahame lotlhe. Mme mosadi wa ga Lote o ne a fetoga pinagare ya letsawai, ka gore o ne a leba kwa morago, e le segopotso sa mathhabisa ditlhong; yo neng e le mohumagadi yo mogolo mo gare ga mekgatlhya motse, ya Gomora le Sotoma. Mme mekgatsha yotlhe e ne ya nyedisa ka bofeso, nako e Modimo a neng a dira mo go diragalang ka motlholo ka molelo le sebabole go tswa legodimong.

⁹² A nako e e gakgamatsang! A nako e kgolo go tshela mo go yone! Modimo, mo bothatiosing jwa Gagwe! Go tla borakanelo gape. (Ke akanya gore ke pitlagantswe ke nako, ke tlaa tshwanela go itlhaganel.) Go tla Bothatiosi, Bolengteng gape.

⁹³ Go ne go na le mogoma a bidiwa Ahabe, a nyetse mosetsana yo neng a bidiwa Jesebele. Yo, e neng e le modumedi kwa tshimologong, Ahabe, a neng a tsetswe e le Mojuta, a rupisitswe letsatsi la boferabobedi, go ya ka molao. Mme o ne a godisiwa mo lelwapeng la badumedi, go dumela mo go Jehofa, fela o ne a ratana le selonyana sengwe se se matlhao a seaka sa moobamedi wa seseto. Go ntse jalo.

⁹⁴ Mme, gompieno, banna ba Bakeresete ba ba siameng ba wetse fa tlase ga tlhotlheletso ya diphirimisi tse di kalo le magasigasi, ka gore pelo eo ga e ise e nitame mo go Keresete Jesu. Ee. A letsatsi le re tshelang mo go lone, a nako, masupatsela a leibile fano mo sefatlhiegong.

⁹⁵ Fela, fong, fela pele ga seo Modimo o ne a tlisa makgaolakgang, go supa yo e neng e le Modimo, go ne ga tla nako e go neng ga nna le moporofeti yo neng a tla ka mo lefatsheng, ka leina la ga Elia, yo neng a tloditswe ka molaetsa

wa Modimo. Mme o ne a diragatsa tse di diragalang ka motlholo a bo a netefatsa gore Bothatiosi bo ne bo santse bo le mo go dirang tse di diragalang ka motlholo. Moporofeti o ne a ema golo foo a bo a tswala magodimo, gore ga e a ka ya na mo metlheng ya bodiredi jwa gagwe. Mme o ne a folosa dipula go tswa mo magodimong a bo a neela lefatshe. Mme Baengele ba ne ba bonala mo tiragalang, haleluya, ba mo apeela senkgwe sa mmidi se se neng sa mo tshegetsa malatsi a le masome a manê, a tshela, fa a ne a santse a le golo koo ko bogareng ga naga le Modimo.

⁹⁶ Baengele ba bonala mo nakong ya bokhutlo. Baporofeti botlhe le masupatsela ba supa ko go, mo mothleng ona, gore baengele ba tlaa bonala, baporofeti ba tlaa emeleta, ditshupo le dikgakgamatso. Mme fa Modimo a ne a diretsé seo marakanelonyana ao morago koo, O tlaa dira eng jaanong fa dihele tsotlhe di gololwa? Legodimo lotlhe le tlaa golola, baengele ba bonala, ditshupo le dikgakgamatso mo lefatsheng. Maiketsiso a a tthatloga. Modimo a netefatsa gore ke sefe se se siameng le se se phoso. Amen.

⁹⁷ Ao, ke a Mo rata! Ke tlhomamisitse gore lo a dira, le lona. Ga ke ikaelele go le goelela, fela go tuka mo moweng wa me wa botho, ke akanya, ka fa e leng gore mo motlheng ona.

⁹⁸ Fela pele ga A ne a ba golola, O ne a dira mehuta yotlhe ya ditshupo le dikgakgamatso. Ba ne ba romela segopa sa batho golo koo, go tsaya moporofeti yona ka patiko. O ne a re, “Fa ke le monna wa Modimo, a molelo o tswe legodimong.”

⁹⁹ Elang tlhoko ka fa molelo o tlang ka gone nako nngwe le nngwe. Elang tlhoko ka fa baporofeti ba tlang ka gone nako nngwe le nngwe. Elang tlhoko ka fa mo go diragalang ka motlholo go dirwang ka gone nako nngwe le nngwe. Elang tlhoko ka fa Modimo a Ithurifatsang ka gone mo phodisong le dithateng nako nngwe le nngwe, fela fa marakanelong a ditsela, go ise go nne jalo pele; gone kwa marakanelong a ditsela, kwa borakanelong, phetogo ya tebalebelo, phetogo ya nako.

¹⁰⁰ Jaanong, go nna ditemana di le mmalwa tse di tswalelang, elang tlhoko motsotsso. Re tlaa ya jaanong ko bo—borakanelong jwa bothano jo bogolo, bongwe jwa marakanelo a konokono, ka gore ga bothano ke *bothano*, J-e-s-u-s. Amen. Go tla nako e potso ya boleoe neng ya tshwanelwa go rarabololwa. Go tla nako kwa yo o dirang tse di diragalag ka motlholo a tshwanetseng go Ikitsise gore a tlhaloganngwe ka bottlalo. Go tla nako e dipelo tsa batho di neng di tshwanetse go fetolwa, ka gore melao le baatlhodi, le jalo jalo, di ka se kgone go go dira. Madi a dipodi le dipodi a ne a sa kgone go go tlosa.

¹⁰¹ Mme fela pele ga borakanelo jo botona joo bo tla, diabolo ke yoo a tla mo gare ga bareri, ne a re, “Metlha ya metlholo e fetile. Ga go na selo se se jaaka seo.”

¹⁰² Mme, nako yone eo, Modimo ne a romela Baengele ko lefatsheng. Go ne go na le monnamogolo golo koo yo neng a na le ntlo e e rulagantsweng, ka leina la ga Sakarea. O ne a rapela. Letsatsi lengwe fa a ne a santse a le fa aletareng, a fokisa maswalo a gagwe, a direla batho ditsereganyo, go ne ga bonala ka kwa mo letlhakoreng la gagwe la moja, Moengele yo mogolo, a netefatsa gore nako ya borakanelo e ne e le gaufi. O ne a mmolelela gore o tlaa tsala mosimane, go tswa mo mosading wa gagwe, yo o neng a godile ebile a tsofetse thata. Mme leina la gagwe e tlaa bo e le Johane.

¹⁰³ Johane o ne a tla, a bolela ka ga mo go dirang mo go diragalang ka motlholo. Johane e ne e le moporofeti. Baebele ne ya re, Jesu ne a re, ka Sebele, “Ga go ise go ke go nne le motho yo o tsetsweng mo lefatsheng jaaka ena,” go fitlheleng nakong eo. Haleluya! Goreng? O ne a le moporofeti, yo mogolo go feta yo neng a le teng go fitlheleng nakong eo. Ka gore, mona e ne e le borakanelo jo bogolo go feta jo Modimo a kileng a ba a bo dira le diabolo, fa ditsela tsa bone di ne di fapaana, mme foo O ne a tla a mo apola a bo a mo tseele sengwe le sengwe se a neng a na naso. Haleluya! Johane e ne e le moporofeti.

¹⁰⁴ Gabariele o ne a le Moengele foo, a bonala fa nakong ya borakanelo. Kgalalelo go Modimo! Go ka nna dingwaga di le masome a mararo le boraro pele ga go ne go diragala, Modimo o ne a simolola nako e ntsi, go tlhagisetsa pele gore nako ya borakanelo e ne e le gaufi. Badumologi ba ne ba nna maswe go gaisa, ebile ba go nyenyefatsa, ba bo ba tlhatlharuana ka ga gone, mme ba leka go tloga le gone. Mme, kgabagare, ne ba bolaya mongwe le mongwe yo ba neng ba mo rometse, le dilo. Fela Modimo o ne a tswelela pele ka ga mo go diragalang ka motlholo, go tshwana fela, gonne Ena ke mothatiotlhe. O tshwanetse go dira. Ena ke Modimo.

¹⁰⁵ Lebang se se diragetseng jaanong, jaaka re tsena ka mo go ena—tiragalo ena fano. Jaaka re tlhatloga, re bona Johane a tla mo nokeng, a rera. O bolela ka ga Mongwe yo neng a tla, yo o nonofileng go feta go na le ene; a simolola go rera. Morago ga sebaka, ga go a ka ga bonala ope yo o seng ko tlase ga Mothatiotlhe ka Boene, a phuthetswe ka ngatanyana ya nama. Jehofa Modimo yo mogolo o ne a Itshenola mo go Morwae, Keresete Jesu. Bothatiosi bo ne jwa dirwa nama mme jwa aga mo gare ga rona, ba tsamaya mo gare ga rona. Haleluya!

¹⁰⁶ Jaaka A ne a tsamaya mo Lewatleng la Galelea, bosigo bongwe, a ntse ka kwa, mokoronyana wa kgale o ne o akgega, O ne a itshola ekete O ne ebile a sa tseye tsia epe. O ne a lapile. Fela go ne ga tla nako ya borakanelo; sengwe se ne sa tshwanela go diragala. Ne a baya lonao lwa Gagwe mo dithapong tsa go bofa disseile tsa mokoro, mme a leba kwa godimo a bo a re, “Kagiso. Sisibala.” Ke a go bolela, ena Motlhodi wa magodimo le lefatshe o ne a ntse mo mokorong oo, mme tlholego e ne ya

tshwanela go O obamela. Nako e Mothatiotlhe a buang, mo go diragalang ka motlholo go a diragala. Amen.

¹⁰⁷ Molepero a tletse lepero, ne a ya kwa go Ena letsatsi lengwe, ne a re, "Morena, O ka kgona fa O ratile, o ka kgona go intshekisa."

¹⁰⁸ O ne a mo ama, ne a re, "Ke a rata. O nne phepa." Mme fa Bothatiosi bo bua, mo go diragalang ka motlholo go a diragala. Haleluya! Lepero la gagwe le ne la nyelela, jaaka letsatsi le fofa go tswa kwa morago ga leri. Go tlhomame. Mothatiotlhe o a bua.

¹⁰⁹ O soloeditse, mo metlheng eno ya bofelo, gore O tlaa bua gape. Nako e Mothatiotlhe a buang, mo go diragalang ka motlholo go a diragala. Ee, rra.

¹¹⁰ Lemogang. O fodisitse balwetsi. O tsositse baswi. O butse matlho a difofu. E ne e le eng? A netefaletsa batho gore borakanelo bo ne bo le foo. "Ke na le Thata ya go baya botshelo jwa Me faatshe. Ke na le Thata ya go bo tsosa gape. Ga go motho yo o bo tlosang mo go Nna."

¹¹¹ Letsatsi lengwe, mo go Johane 17, O ne a leba ko godimo a bo a re, "Rara, oura e tsile." Aleluya! "Borakanelo bo fano. Dilo tsotlhe di fedile jaanong. Dilo tsotlhe di a ipaakanya. Makopanelo a ditsela a tsile. Lefatshe le tlhagisitswe. Ke tloditse baapostolo bana, mme ba dirile ditshupo le dikgakgamatso. Re fetile go ralala lefatshe. Re ne ra anamela kwa morago le kwa pele. Nako e fano. Nako e tlide."

¹¹² Mokaulengwe, jaaka moreri wa Efangedi mosong ono, ke dumela gore Mowa o o Boitshepo, a bua ka dipounama tsa motho yo o swang gompieno, tsa badiredi ba ba tloditsweng, ba bua, "Nako e tlide." Nako e fano, mme Bothatiosi bo a araba. Mo go diragalang ka motlholo go a diragala; go tshwanetse go dira; re kwa borakanelong.

¹¹³ Mme, foo, fa A ne a dira gotlhe mo go diragalang ka motlholo, fa Bothatiosi, Modimo a ne a bonaditswe mo nameng.

¹¹⁴ "Bua lefoko, Morena, mme motlhanka wa me o tlaa fola. Motlhanka wa me o tlaa nna... O tlaa tshela." O ne a itse. Molaodi yoo wa Moroma wa lekgolo o ne a itse. O ne a le monna yo o nang le taolo, gore o ne a itse gore le fa e le eng se se neng se le mo tlase ga gagwe se ne se na le... Le fa e ka nna eng se a se buileng, ba ne ba tshwanetse go go dira. O ne a re, "Ke raya monna yona ke re, 'Tlaya,' mme o a tla. Mme monna yole, 'Tsamaya,' o a tsamaya." Ne a re, "Ke motho yo o nang le taolo. Mme sengwe le sengwe mo tlase ga taolo ya me se a nkutlw. Mme, Morena, ga ke tshwanelwe gore O tsene mo ntlong ya me. Bua fela lefoko." Haleluya! O ne a itse, moo e ne e le Bothatiosi. O ne a itse gore fa Bothatiosi bo ne bo bua, mo go diragalang ka motlholo go tlaa diragala. Ijoo!

¹¹⁵ Ke yoo O ne a eme fa lebitleng la ga Lasaro, a lela, jaaka motho mo nameng ya gagwe. Maretho o ne a re, “Morena, fa fela O ka bo o ne o le fano, kgaitsadiake a ka bo a ne a sa swa. Fela le e leng jaanong, Mothatiotlhe, bua! Le fa e le eng se O se kopang Modimo, Modimo o tlaa se dira. Le fa e le eng se O se buang, O tlaa se dira.” Foo, O ne a ya kwa lebitleng.

¹¹⁶ Bothatiosi, bo bonaditswe fano mo gare ga rona, bo tshela le rona. “Modimo, mo go Keresete, ne a Itetlanyetsa lefatshe.” Fano O ne a tshela le rona, Modimo a Ithurifatsa ka Morwae, Keresete Jesu. O ne a le mothatiotlhe le yo o dirang mo go diragalang ka motlholo.

¹¹⁷ Mme fa A tshwana maabane, gompieno, le ka bosaeng kae; mme O ne a re, “Ga Nkitla ke lo tlogela. Ga Nkitla ke lo latlha. Ke tlaa bo ke na le lona go ya bokhutlong jwa lefatshe.” Re ka senka sepe se sele jang fa e se, fa A bua, gore mo go diragalang ka motlholo go diragale? Re ka solo fela sepe se sele jang?

¹¹⁸ Jalo he ke yona O a tsamaya, go fologela ko lebitleng, a lela. Mme fong Bothatiosi bo ne jwa Iphutha ga mmogo, mme O ne a bua. “Lasaro, tswela kwano!” Mme monna yo neng a setse a bola; nko ya gagwe e ne e ole mo sefatlhegong sa gagwe, mo malatsing a le manê. Diboko tsa letlalo di ne di setse di tsene mo teng. Go bola go ne go itse Mong wa gone. Haleluya! O ne a busa botshelo jwa monna yona yo o suleng. Mme monna yo o kileng a ne a sule, ne a ema ka dinao tsa gagwe mme a tshela gape. Mo go diragalang ka motlholo!

¹¹⁹ “Ke nna tsogo le Botshelo,” go bua Modimo. “Yo o dumelang mo go Nna, le fa a ne a sule, le fa go ntse jalo o tlaa tshela. Mme le fa e ka nna mang yo o tshelang mme a dumela mo go Nna ga a kitla a swa.”

¹²⁰ Bua, Bothatiosi! Methholo e tlaa diragala. Mme O tlhola a go dira kwa borakanelong. Mme re kwa borakanelong. Lo tlhagisegeng nako e lo bonang dilo tsena di diragala. Re kwa nakong ya bokhutlo.

¹²¹ Mothatiotlhe o a bua, mme motho yo o suleng, a sule, ne a tshela gape; ne a ema ka dinao tsa gagwe, mme a ya kwa modirong wa dijo tsa morafe a bo a ja selalelo le Ena. Ijoo! Go diragetse eng?

¹²² Letsatsi lengwe le le galalelang! Rona rotlhe ba nako nngwe re neng re sule mo boleong le ditlolong; Bothatiosi bo ne jwa bua. Re ne re ya diheleng, mme Bothatiosi bo ne jwa bua. Re tsogile mo diheleng, go ya Kgalalelong, mme letsatsi lengwe re tlaa ja Selalelo sa modiro kwa motheng wa bofelo. Bothatiosi bo a bua. Lefoko la Modimo ke mothatiotlhe. Re a Le dumela, mme ra tsoga losong go ya Botshelong.

¹²³ “Ena yo o utlwang Mafoko a Me mme a dumela mo go Nna, le fa a ne a sule, le fa go ntse jalo o tlaa tshela. Le fa e le mang yo o tshelang mme a dumela mo go Nna ga a kitla a swa.” Bothatiosi!

¹²⁴ Re jaaka Noa, a aga mo arekeng. Mo go diralang ka motlholo go tlaa diragala letsatsi lengwe mogang Phamolo e tlang mme Jesu a tlang. Re kwa borakanelong jaanong. Fa o bona dilo tsena di diragala, tsholetsa tlhogo ya gago, thekololo ya gago e a atamela. Mothatiotlhe o a bua mme mo go diragalang ka motlholo go a direga.

¹²⁵ Ne a re, “Re kwa borakanelong, Rara. Ke tshwanetse ke netefatse Yo O leng ene.” Mme O ne a tsosa baswi. O ne a fodisa balwetsi.

¹²⁶ Erile oura kgabagare e Mo tlela gore a tsamaye, O ne a tsamaela ka boikobo ko sefapaanong mme a kokotelwa foo, a le fa gare. O ne a se wa Legodimo; O ne a ganwa ke Legodimo. O ne a gannwe mo lefatsheng. Morago ga batho ba sena go bona ditshupo le dikgakgamatso tse A di dirileng, ba ne ba Mo tlaopa eibile ba sotla ka Ena; lefatshe lena le le boleo le le senang poifoModimo la boleo. Fela jaaka katlholo e ne ya mo tlhatlosa, ya tlhatlosa areka, katlholo ya metsi; le Jesu ne a dira jalo, ka katlholo ya Modimo e tshollelwa mo go Ena. O ne a swa mo boemong jwa rona, mme a tlhatlosiwa.

¹²⁷ Mme modumedi o ikhutsa mo go Ena, jaaka Noa mo arekeng. Mpe katlholo e aname, ke pharologanyo efeng e go e dirang? Go tlhomame. Eng? Eng? Le e leng loso ka bolone ga le na dithibedi dipe, ga le na dithhabi dipe. “Ao tlhe loso, lebolela la gago le kae? Lebitla, phenyo ya gago e kae?” Ga go nke go ntshosa gore ke fete mabitla. Nka thela loshalaba lwa dithoriso tsa Modimo, gonne ke a itse, mme ke tshela mo go Ena ka bosafeleng. Go tlhomame.

¹²⁸ Bothatiosi bo buile. Bo buile le pelo ya me. Bo buile le pelo ya gago, mo go diragalang ka motlholo go ne ga dirwa. Gangwe moleofinyana wa legatlapa, gongwe mo...jaaka o dirile, letagwa, kgotsa mogogi wa sekarete, kgotsa mosiani go ya mebinong le go tswelela jalo. Mothatiotlhe o ne a bua, mme o ne wa go amogela, mme mo go diralang ka motlholo go ne ga dirwa; mme o ne wa fetoga go tloga losong go ya Botshelong, mme wa tlogela maleo a gago!...?...Bothatiosi bo ne jwa bua, mme mo go diragalang ka motlholo go ne ga dirwa. Go tlhomame.

¹²⁹ Go na le batho ba ba dutseng mo kerekeng ena, mosong ono, dingwaga di le mmalwa tse di fetileng ba ba neng ba bofilwe ke kankere, ba swa. Go na le bao ba ba dutseng fano, ba ba neng ba golafetse eibile e le bannani, le ditlhotsi le ba ba omeletseng. Mme Bothatiosi bo ne jwa bua, mme mo go diragalang ka motlholo go ne ga dirwa. Go tlhomame. Ka nnete. Sesupo ke eng? Re kwa borakanelong. Re fa makopanong a ditsela jaanong. Re ipaakanyetsa go tsena mo Mileniamong.

¹³⁰ Jaanong elang tlhoko, re ne ra tsamaela pele. Mme erile ba dira, fa ba ne ba Mmaya fa gare ga magodimo le lefatshe, Legodimo le ne le sa kgone go Mo amogela, boleo jwa lefatshe bo ne bo ntse mo go Ena. Mme lefatshe le ne la Mo gana, e le

Kgosi ya bone. Go ne go sena lefelo le le neng le Mo saletse gore a swe. O ne a ka se kgone go tla Legodimong, gonne O ne a na le maleo a lefatshe mo go Ena. O ne a tlhoilwe ebile a nyadiwa, le go kgwelwa mathe, ebile a ganwa le go tswitliwa ke lefatshe. Fela O ne a ema fa gare ga magodimo le lefatshe, a bo a tshwaragantsha tsela. Mme monna mongwe le mongwe kgotsa mosadi yo o eletsang go dira, a ka nna a tla ka moedi oo wa Madi go tswa mo letlhakoreng la Gagwe, go ya Kgalalelong. Bothatios!

¹³¹ Go diragetseng? Ditshupo le dikgakgamatsotso di ne tsa diragala. Go diragetseng? Ngwedi e ne ya simolola go lela. Letsatsi le ne la tswala matlho a lone la bo le simolola go lela. Mme le ne la tsena mo tlalelong e e kalo, go fitlhela e ne e na le dipheretlhego, mme ya fetoga jaaka madi a a dutlang. Ruri, go dirile. Fa di ne di bona Motlhodi wa magodimo le lefatshe, a gannwe ke lefatshe. Mme, boleo jo bontsi thata, O ne a sa kgone go tsena ko Legodimong; mme a swa e le motserganyi magareng ga Modimo le motho, a eme magareng ga magodimo le lefatshe.

¹³² Letsatsi le ne la se kgone go go itshokela, ne la re, “Ga ke tle go tlhola ke phatsima,” jalo he ne la boela morago. Dinaledi di ne tsa re, “Ga ke kgone go lebelela sena.” Eya. Lefatshe le ne la re, “Ga ke kgone go go itshokela,” mme le ne la nna le go namalala ga mafafa, mme la kgobola maše go tswa mo lefatsheng. Mo go diragalang ka motlholo go ne ga diragala! E ne e le nako ya go fetoga, e ne e le bokhutlo jwa tsela, boleo bo ne bo busitse, go fitlhela sefapaanong, fela boleo bo ne jwa duelelwa foo. Ijoo! Mme lefatshe le ne la roroma ka mašetla thata go fitlhela le ne le latlhela mafika ko ntla ga mmu wa lone, kgotsa a kaletse mo dithabaneng. Ebile le ne la roroma ka mašetla thata go fitlhela baswi ba ne ba tsoga mo lebitleng. Bua ka ga go namalala ga mafafa! Mme letsatsi le ne la simolola go nna le dipheretlhego, mme la tima. Mmo go diragalang ka motlholo go ne ga diragala! Haleluya! Go tlhola go dira kwa marakanelong.

¹³³ Lebang se se diragetseng kwa go seo, mme seo se ne fela se baakanyetsa sena. Ba ne ba tswela ntla ko dipakeng tse di lefifi, dingwaga di le makgolo a le lesome le bothhano. (Ke eletsa re ka bo re na le nako, fela re pitlagantswe. Ke batla go tswa ka lesome le bobedi.) Mme lemogang, gore, go tla go ralala foo le dipaka tse di lefifi. Ke eletsa re ka bo re na le nako go tsena mo nakong, se se diragetseng mo nakong ya ga Wesele le Lutere, lekgetlo la borataro, gore go ne ga nna le phetogo e e neng ya tla, nako e kereke e neng ya gololwa mo lefifing mme o ne a tliswa ka mo leseding le le gakgamacatsang ka bontle la Efangedi gape. Ditshupo le dikgakgamatsotso! Ao tlhe Modimo, ka fa go neng go se motho ope yo neng a ema, mme phodiso ya Semodimo le ditshupo le dikgakgamatsotso di ne tsa diragala. Mme e ne e le magareng ga setlhabelo le go Tla ga Bobedi, mme lebang se se neng sa diragala ka nako eo. Nako e Johane Wesele a neng a rera Efangedi, o ne

a kobiwa mo dikerekeng le dilong, go fitlhela batho ba wela mo bodilong, mme ba ne ba tshela metsi mo sefatlhegong sa bone. Ba ne ba sa itse se e neng e le bothata ka bona, ba idibala fa tlase ga Thata ya Mowa o o Boitshepo. Ditshupo, le dikgakgamatso, le metlholo, le diphodiso, di ne tsa diragala.

¹³⁴ Jaanong, mokaulengwe, kgaittsadi, reetsa. Go diragala eng jaanong? Re kwa nakong ya bokhutlo. Re ya ko Mileniamong; seatla sengwe le sengwe se supela ka tsela eo. Tshupanako ya kgale e a tsamaya, go ka nna metsotso e le mebedi go tsamaya go nna bosigogare. Bothatirosi bo a bua. Baengele ba a tlhagelela. Baporofeti ba a tla. Baporofeti ba a porofeta. Diponatshegelo di tshollelwa mo bathong bao ba motlha ona. Efangedi e a rerwa. Balwetsi ba a tsosiwa. Difofu di a bona. Disusu di a utlwa. Bodiabolo ba a tšararega. Baiketsisi, Janese le Jamborese, ba fano. Fela, Bothatirosi bo a bua. Haleluya! Re mo motlheng wa bofelo. Re kwa borakanelong.

¹³⁵ “Dipelo tsa batho di palelwa ka ntlha ya poifo; go se tlhomameng ka ga nako; tlalelo fa gare ga ditšhaba.” Lefatshe le nna mafafa thata go fitlhela le phanyega ka dithoromo tsa lefatshe gongwe le gongwe. Jesu o rile go tlaa nna ka tsela eo. Go tlaa nna le dithoromo tsa lefatshe mo mafelong a mefutafuta. Bothata ke eng? Lefatshe le a itse gore lone le hutsegile. Lone le mafafa. Lefatshe le mafafa.

¹³⁶ Fela Kereke e pagame mo Efangeding. Eo ke tsela ka tshireletso. “Yo o tlang mo go Nna, ga Nkitla le ka mokgwa ope ke mo kgoromeletsa ntle.” Haleluya! “Ntleng le gore motho a tsalwe ka metsi le Mowa, ga a tle go tsena mo Bogosing.” Mo Bogosing, o na le sekano sa Modimo sa kamogelo, Mowa o o Boitshepo mo pelong ya gago. Mpe makhubu a pagamele kae le kae kwa a go batlang. Dinako di a maswefala. Bothatirosi bo a tlhatloga. Baiketsisi ba leka go itshwara jaaka gone. Le mehuta yotlhe ya dilo, ba leka go dira sena.

¹³⁷ Mme Baebele ne ya re, moiketsise yo mogolo yoo wa bofelo o tlaa tlhatloga ka kwa mme a nne mo dithabaneng tse supa. O tlaa rwala korone e e gararo. Mme o tlaa neela thata, mme o ne a na le thata, go fitlha fa e leng gore go dira molelo o fologe go tswa legodimong, mo pele ga batho. O tlaa dira gotlhe ga seo, gotlhe ga seo mo motlheng wa bofelo.

¹³⁸ Le ka fa e leng gore ba tlaa ema mme ba iketsisa batho, ba obamela ko mafelong a kobamelo a batho ba ba suleng, le sengwe le sengwe, ebile ba ikgotlha ka masapo le sengwe le sengwe. Fela, fa ba santse ba ikgotlha ka masapo ebile ba obamela kwa mafelong a kobamelo, Bothatirosi bo a bua mme mmo go diragalang ka motlholo go a diragala. Ba re, “Ke segopa sa diphirimisi.”

¹³⁹ Fela Kereke e a gola, ditsosoloso tse di tona tsa phodiso di gongwe le gongwe mo lefatsheng. Ditshupo le dikgakgamatso di

ya gongwe le gongwe. Baengele ba bonala ko bathong. Ditshupo le dikgakgamatsso di fano. Gone ke eng, tsala? Re kwa nakong ya bokhutlo. Re kwa borakanelong. “Tsholetsa tlhogo ya gago,” O ne a bua, “thekololo ya gago e a atamela.” Lo bona se ke se rayang? Ke nako ya borakanelo.

¹⁴⁰ “Mme go tlaa tla go diragale,” ne ga bua Modimo, “mo metlheng ya bofelo, Ke tlaa tshollela Mowa wa Me. Bomorwaa-lona le bomorwadia-lona ba tla porofeta,” baporofeti ba ba solofeditsweng. “Makau a lona a tlaa bona diponatshegelo. Mme Ke tlaa supegetsa dikgakgamatsso ko magodimong kwa godimo,” dipiring tse di fofang le sengwe le sengwe. “Tlalelo e kgolo; lefatshe le tlaa tshikinngwa ke tse dintsi . . .” Dithoromo tse ditona tsa lefatshe di tlaa bo di tla, le dikgwamolelo tse ditona di tlaa diragala, le bothata jo bogolo, tlalelo fa gare ga lefatshe. Ditshaba di tlaa bo di leka go batla kagiso, ka thipa fa morago ga mokwatla wa bone. Go tlaa nna le bothata mo teng gongwe le gongwe, dilo tsotlhe tsena. Mme batho ba tlaa gola go nna maswe go feta le maswe go feta.

¹⁴¹ “Mme fa mmaba a tsena jaaka mowalela, Ke tlaa tlhatlosa seelo kgatlhanong le gone,” Mowa wa Modimo. Nako ya borakanelo! Bokhutlo jwa tsela. Aforika e rora ka bokopano jo bogolo jwa phodiso. Mme ditshupo le dikgakgamatsso di tlhagelela, gotlhe go dikologa lefatshe, gongwe le gongwe. Gone ke eng? Nako ya borakanelo. Nako ya bokhutlo.

¹⁴² Dikaraki tse di senang dipitse di “thulathula go ralala tsela ya mheru.” Dilo tsotlhe tsena tse di farologaneng O ne a di bua. “Barwadia Sione, ka fa ba aparang ka gone mme ba tsamaye.” Ka fa e leng gore baratani ba bong jo bo tshwanang le dilo tse di farologaneng di tlaa bonala ka gone; ka fa, tshokamo, “batho ba tlaa neelwa ko ditsietsong tse di maatla,” le dilo tsotlhe tse di ntseng jaaka tseo. Ka fa ba tlaa nnang “ba ba tlhogoethata, ba ba ikgogomosang, barati ba dikgatlhego bogolo go go nna barati ba Modimo; e le ba ba sa itshwareleng, bapateletsi.”

¹⁴³ Mme mangwe a malatsi ano, mokaulengwe wa me yo o rategang, Jesu o tlaa tla. Mme bao ba ba tlogang, mo go se ba se bitsang “bogogotlo” gompieno, go dumela mo Efangeding ya segologolo ya ga Keresete, le Mothatiolhe a bua, mo go diragalang ka motholo go diragala!

¹⁴⁴ O rile, “Ditshupo tsena di tlaa latela bone ba ba dumelang. Ka Leina la Me ba tlaa kgoromeletsa ntle bodiabolo, ba bue ka diteme tse dintshwa; kgotsa ba tsholetse dinoga, kgotsa ba nwe dilo tse di bolayang, ga di tle go ba utlwisa botlhoko; fa ba bay a diatla tsa bone mo balwetsing, ba tlaa fola.” “Dilo tsena tse Ke di dirileng, le lona lo tlaa dira jalo. Ke tlaa bo ke na le lona ka metlha yotlhe, le e leng go ya kwa bokhutlong.” “Fa dilo tsena di simolola go bonala, tsholetsang ditlhogo tsa lona, thekololo ya lona e a atamela.”

¹⁴⁵ Lo a bona, ditsala, fela jaaka go ne go ntse mo metlheng ya ga Noa, mo go tleng ga Morwa motho. Go jalo mo metlheng ya go gololwa ga Iseraele. Go jalo le Morwa motho kwa sefapaanong. Le rona re jalo kwa borakanelong. Modimo o tlhola a supegetsa mo go diragalang ka motlholo, a dira ditshupo tse dikgolo le dikgakgamats, a fodisa balwetsi, a tsosa baswi, a kgoromeletsa ntle bodiabolo, mowa o mogolo wa tsosoloso; ditshupo ko legodimong, le mo lefatsheng; tlalelo fa gare ga ditshaba. Re kwa borakanelong.

¹⁴⁶ Selo se se latelang ke eng? Jesu Keresete o tlaa tla gape lekgetlo la bobedi, ko kgalalelong, go amogela botlhe bao ba ba suleng mo go Keresete mme ba tshela mo Modimong. Modimo o tlaa tlisa mongwe le mongwe le Ena. Mme ba ba pelonomi ba tlaa rua lefatshe, mme Mileniamo o mogolo o tlaa simolola. Mme ga go tle go tlhola go nna le dintwa. Ba tlaa kokoanya dibetsa tsa bone, mme ba bope tsa bone...ba dire marumo a bone dihuku tse di pomang le megoma, le jalo jalo. Mme ditshaba ga di tle go tlhola di tsholetsatshaka kgatlhanong le setshaba. Ebile ga go tle go tlhola go nna le bolwetsa bope, ga go tle go tlhola go na le bothata bope, ga go tle go tlhola go na le go opa gope ga pelo. Fela Foo re tlaa tshela, mo Bolengtengeng jwa Gagwe fano, ka metlha le ka methla.

¹⁴⁷ Mme, ditshupo tsotlhe tsena le dilo, re kwa borakanelong. Re kwa tseleng ya bokhutlo.

¹⁴⁸ Ke itumetse thata gompieno go itse gore, mo go Keresete Jesu, ke tsetsepeditse mowa wa me wa botho mo botshabelong jwa boikhutso. Ke itumetse thata go bona Modimo, mo Lefokong la Gagwe le le boitshepo, a diragatsa ebile a naya ditshupo le dikgakgamats. Mme go itse gore, gompieno, fa pele ga kereke ya me e nnye fano, gore ke kgona go bua sena, jaaka ke dirile pele fa ke ne ke tswela kong nako e nngwe. Lo tla bona Thata e kgolo, e e tlottlegang ya Modimo mothatiotlhe mo Thateng e e dirang tsotlhe, Thata ya go dira tse di diragalang ka motlholo e e tlaa dirang mo go fetang ka bontsintsi, kwa godimo ga tsotlhe tse re kileng ra di akanya kgotsa ra di dumela. Mme gone fa mojakong jaanong. Mme lo go bona go rurifaditswe, gone fa mojakong wa kereke e e leng ya lona fano.

¹⁴⁹ Jalo, ditsalanyana tsa me tse di rategang, o sekwa wa ba wa repisa mo go Keresete. O Mo tshelele, ka sefapaano. Tsholetsang dipelo tsa lona, mme lo tsholeletseng diatla tse di boitshepo ko go Modimo. Mme fa kereke, sengwe le sengwe, se simolola ka tsela ena, ka tsela ele, kgotsa batho ba bua kgotsa ba bua sena, lo sekwa lwa go tsaya tsia epe. Tsholang dipelo tsa lona di nne nngwefela mo sefapaanong le Keresete, mme lo Mo tshelele. Modimo a go le dumelele. Re fa marakanelong, makopanelo a ditsela.

¹⁵⁰ A re ka obamisa ditlhogo tsa rona motsotso fela, ka ntlha ya lefoko la thapelo. Ke batla kgaitsadi a tshameke kopelo ena e

ntlentle ya kgale, *Tumelo Ya Me E Leba Godimo Kwa Go Wena*, 189...-84, fa re santse re le mo thapelang. Ke a ipotsa...ka ditlhogo tsa lona di obilwe.

¹⁵¹ Re kwa borakanelong, tsala. Re foo. Dilo tsotlhе tsenа, tshokamiso ena mo gare ga basadi le banna, tlalelo ena e lo e bonang, gone ke eng? Ke go netefaditse ka Baebele. Go nnile, nako nngwe le nngwe, borakanelo. Ga go ise go nne *pele* ga borakanelo; ka gale *kwa* borakanelong. Fela pele ga...Lo a bona, batho ba tlogile jaanong. Ba ne ba fapoga ka thuto ya bodumedi le ditumelo. "Mme methha ya metlholo e fetile." Lo a bona? Lo a bona ba ne ba go dira mo pakeng nngwe le nngwe e sele.

¹⁵² Fela pele fela ga nako ya phetogo, Modimo o ne a fologa ka bothatiosi mme a dira mo go diragalang ka motlholo. Ke sone se batho ba buang ka ga nna mme ba bua dilo tse ba di dirang. Ke sone se ba buang ka ga Bakeresete botlhе ba ba dumelang seo.

¹⁵³ Fela lo bona se se ba diragaletseng kwa morago kwa, ba ba neng ba dumela? Ba ne ba sireletsegile. Aborahame o ne a sireletsegile fela jaaka a ne a ka kgona go nna ka gone. Amen. Moshe o ne a le jalo; ga go dipetsо dipe tse di neng tsa mo tshwenya kgotsa Iseraele. Ebile ga go a ka ga tshwenya Noa. Enoke o ne a tlhatlosiwa pele ga go ne go ka ba ga diragala, a ema mo boitshegetsong jwa direpodi tsa Kgalalelo, a go lebeletse go tswelela.

¹⁵⁴ Fa o le fano mosong ono, o sena Keresete, itse gore mowa wa gago wa botho ga o a siama, fa lo santse lo obile ditlhogo tsa lona. Ke eletsа gore lo ka dira, ko Modimong. Ga ke itse gore nka be ka bua le lona leng gape. Fela re kwa borakanelong. Fa o batla go gopolwa mo thapelang, ko Modimong, a o tlаа tsholeletsa fela seatla sa gago ko go Ena jaanong? Modimo a go segofatse, rra. Modimo a go segofatse, rra. Wena, wena. Ee, Modimo a go segofatse. Ba le bantsi ba lona, diatla di le mmalwa.

¹⁵⁵ Jaanong fa lo santse lo inamisitse tlhogo ya lona, re batla kereke e opelele ena mo menong. Fa o eletsа, re na le aletare e e bulegileng fano, tlaya mme o needle fela lefoko la thapelo le nna, ko Modimong, ka ntlha ya mowa wa gago wa botho. Ke tlаа itumelela go go dira, ke rapele le wena.

Tumelo ya me e leba kwa go Wena, (Eseng sepe
se sele fa e se Wena.)

Wena Kwana ya Golegotha,
Mopholosi wa Selegodimo;
Jaanong nkutlwе fa ke santse ke rapela,
Tlosetsa boleo jotlhе jwa me kgakala,
Ao mpe go tloga letsatsing lena
Ke nne wa Gago gotlhеle!

Mma letlhogonolo la Gago le le humileng...

¹⁵⁶ A lo a rapela? A lo Mo kopa gore a nne le boutlwelo botlhoko mo go lona? Ikothaye, tsala ya moleofi. Gone jaanong Mo neye botshelo jwa gago.

Tshesego ya me e tlhotlheletse;
 Jaaka O ntshwetse,
 Ao mma lorato lwa me ko go Wena,
 Le itsheke, bothito, ebile le safetoge,
 Molelo o o tshelang!

Fa a santse a dira dinnoto tse di mmalwa tsa temana e nngwe, a re nneng mo thapelong jaanong.

¹⁵⁷ Rara wa Legodimo, sentle, ga re ba bantsi, le go simolola, Morena. Re tla fela fano ka gore O ne wa re bua gore re nne teng. O ne wa re fepa wa ba wa re tshegetsa. Rona ba re Go amogetseng, re leboga thata, Morena, go itse sena; gore letsatsi lengwe re ile go fetolwa, mmele ona wa kgale o o bosula wa kgobalatso o re tshelang mo go one, o tlaa fetolwa o bo o bopega jaaka mmele wa Gago. Re ikhutsa ka pabalesego mo arekeng ena.

¹⁵⁸ Mme ka Lefoko la Gago, mosong ono, ka Mowa o o Boitshepo. O tlisitse ko bathong lesupatsela. Re kwa bokhutlong, phetogo. Ditshupo le dikgakgamatsi di a tlhagelela, dilo tse dikgolo di a diragala. Re a itse, Morena, gore re kwa bokhutlong. Leo ke lebaka le dilo tsena di leng fano. Go batlile e le ka nako epe, re tlaa bona Morena a tla.

¹⁵⁹ Mme, Modimo, ke a rapela, Wena o itseng dipelo tsa batho. Ke ba neela monyetla ona, taletso ena. Ba kgona go tla, Morena, ba Mo amogele jaanong. O ne wa re, "Yo o tlang mo go Nna, ga Nkitla le ka mokgwa ope ke mo kgoromeletsi ntle. Ena yo o utlwang Mafoko a Me, mme a dumela mo go Ena yo o Nthometseng, o na le Botshelo jo bosakhutleng, mme ga a tle go tla ka mo katlhholong; o setse a fetetse kwa Botshelong jo bosakhutleng."

¹⁶⁰ Ke a rapela, Rara, O tlaa berekana le dipelo tsa batho gompieno. Eseng go ba naya patiko ya go dumela; ke dumela gore letsatsi la seo le fetile. Ba le mmalwa fela ba O nang nabo ba ba setseng, Morena, ba tshwanetse ba tle ka tlhwaafalo, ka boitekanelo, mo boipobolong jwa bone, ba dumela, ba amogela Keresete, mme ba ipolela gore Modimo o tsile mo pelong ya bone mme a bua. Ke a rapela, Modimo, fa O kokotile mo dipelong pele, gore mona e tlaa nna go kgonyakgonya gape gompieno. Fa e le ga bofelo, go neye, Rara. Lefoko la Gago ke Boammaaruri. Re a go Go neela, jaanong, Morena, gore Mowa o o Boitshepo jaanong o tlaa berekana le pelo nngwe le nngwe, fa re santse re opela temana ya bofelo.

¹⁶¹ Ka ditlhogo tsa lona di obilwe. Fa o eletsa go tla fa aletareng go rapela, tsala ya moleofi, tswelela o tle jaanong, jaaka o amogela Keresete. Kgotsa lona ba lo kgelogileng, tlayang gone

jaanong mme lo emeng fa aletareng. Re tlaa rapela gone le lona.
Go siame.

. . . tharaano ya botshelo e e lefifi ke e gataka,
(Seo ke se o se dirang.)

Le mahutsana go ntikologa a anama, (Loso,
bolwetse.)

Morena, Wena nna Mosupatsela wa me; (Ao
tlhe Modimo!)

Laela lefifi go fetoga motshegare,
Phimolela dikeledi tsa khutsafalo kgakala,
Se ke wa ba wa nttelelela ke timele
Kwa thoko go tloga mo go Wena.

¹⁶² Ka ditlhogo tsa lona di obilwe. Mokaulengwe Wood, ke batla o tsholetse tlhogo ya gago motsotsotso. Mokaulengwe Cox, lona mo kagong, le Mokaulengwe Fleeman? Ke batla lo tsholetse tlhogo ya lona, lona fela banna. Lo bona se ke se lo boleletseng? “Ammaaruri, ammaaruri Ke lo raya ke re, gore, moporofeti mo teng ga lefatshe le e leng la gagwe, mo gare ga ba e leng ba gagwe.”

¹⁶³ Jaanong, Rraetsho wa Legodimo yo o pelonomi, re tlisa Molaetsa ona mo go Wena, Morena, gore dipeo di ne tsa jwalwa ko teng mo dipelong tsa batho; gore letsatsi lengwe le le galalelang, Jesu o tlaa tla, mme o tlaa fitlhela baitshepi botlhe. Mo e leng gore, O tlaa dira, mme mongwe le mongwe o tlaa phamolwa mme a isiwe ko Kgalalelong. Mme a letsatsi la boipelo le leo le tlaa nnang lone, motlhlang Jesu Morena wa rona a boang! Re lemoga gore re leboga thata go bo re tshela mo motlheng ona.

¹⁶⁴ Mme, Modimo, ke ikothhaela sengwe le sengwe, ebole ke neng ke itse gore re ne re ka se kgone go tshela ka borona, Morena, fela rona re—rona re baleofi, le go simolola. Mme letsatsi le letsatsi, ke tshepa mo go Wena, ke itseng gore letsatsi le letsatsi ke a leofa, ke itseng gore dilo tsa letsatsi le letsatsi di a ntiragalela le mo botshelong jwa me, gore O se tle go itumediswa. Mme ke ipolela phoso ya me ebole ke a Go amogela, Morena wa me, jaaka mowa wa me wa botho o ntse fa aletareng, mosong ono, fa motlaaganeng o monnye ona, o namaletse fano, Morena.

¹⁶⁵ Ao tlhe Modimo, ke Go swabisitse kwa morago kwa, ka dineo tseo tsa Semodimo, jaaka O ne wa supegetsa ka mo go diragalang ka motlholo thata ka kwa, bosigong jwa maloba. Mme ke maswabi. Ke ikotlhiale mo Wena, mo ponatshegelong. Mme jaanong mo go lone la me . . . Mo logatong lena le ke tshelang mo go lone jaanong, ke ikotlhaya ko go Wena, Morena wa me, mme ke Go kopa gore O tlaa intshwarela, mme o tlaa nthusa. Mme ka letlhogonolo la Gago, gore O setse o mpoleletse gore dilo tsena di ile go diragala mo bokamosong jaanong. Ke itseng gore di tlaa dira, ke gone ka moo, Morena, ke kopa gore

O itshepise mowa wa me wa botho le pelo ya me, jaaka ke o Go neela.

¹⁶⁶ Ao tlhe Modimo, se tshikinye lefatshe fela, fela magodimo gape. Morena, a re yeng ka ko madirelong ka kwa, kwa didikadike di letileng, Morena, mme ba tshwerwe ke tlala ebile ba nyorwa, mme ba lela ebile ba kopa, mme baheitane ba swela mo lefifing.

¹⁶⁷ Ao tlhe Modimo, tshikinya setšhaba sena se segolo, se se boaka sa Amerika, se se wetseng mo boeleeleleng, le Sotoma le Gomora wa segompieno. “Ao wena morwa phepfafalo ya moso, go tlie jang gore o ole?” “O ne wa siana sentle; o diragaletswe ke eng?” Fela, Ao tlhe Jerusalema, Jerusalema, ke ga kae Ena a ka bong a go okame! Mme go jalo le ka Amerika gompieno, jaaka Mowa o o Boitshepo o lela mo pelong ya me, “Ke ga kae Ke ka bong ke le dirile lobone le le tukang malakabe mo setšhabeng le mo lefatsheng! Fela, lo amogetse Hollywood, lo amogetse mekgabo ya lefatshe. Mme jaanong lo neetswe ko go Janese le Jamborese. Le ka foo letsatsi la lona—la lona le tlileng ka teng! Ka fa e leng gore banna ba ba maatla ba ne ba anama le setšhaba ka gone, ka fa ba neng ba ralala go tsamaya ka gone ka ntlha ya se ba neng ba kgona go se bona, mme jaanong O a tloga ebile o tlogela ko ditšhabeng tse dingwe.” Ao tlhe Modimo, sone se dutse mo meloreng ya matlotla a e leng a sone. Se dutse mo swaking e e leng ya sone ya magasigasi. Mme letsatsi lengwe le le galalelang, Morwa Modimo, mo tshiamong ya Gagwe e e boitshepo, o tlaa senolwa go tswa Legodimong, fong re tlaa ema kae?

¹⁶⁸ Ao tlhe Modimo, dumelela gompieno gore dipelo tsa rona di tlhomamisiwe mo go Wena. Re itshwarele maleo a rona a mantsi. Mme, Rara, segofatsa badiredi bana ba ba leng fano mosong ono, bareri ba Efangedi. Ao tlhe Modimo, mma ba tswele ntli gompieno ka Molaetsa ona mo pelong ya bone, mme ba re, “Ke bona jaanong nako ya bokhutlo, pale ya sesupo. Mme ke a itse re kwa borakanelong, mme seo ke se gotlhe mona go leng ka ga sone. Ke ne ka ipotsa gore gobaneng pelo ya me e ne e le jalo, e ne e ntse e amegile thata jaana ka dingwaga tsena tse di mmalwa tsa bofelo. Ee, Morena. Ee, Morena.” Mma ba go bone.

¹⁶⁹ Mma matlho a bona a bulege, ba leba fa tikologong fano mme ba re, “Ee, gone ke mona, ke a bona dilo tsotlhе tsena tse di bosula ke ditshupo.” Tsone ke ditshupo tsa bofetalholego go tswa mo mmabeng. Goreng, o dira dikgakgamatso tse dikgolo. O dira dilo tse dikgolo, go fitlha fa e leng gore go dira molelo o fologe ko legodimong. Ee, ba na le disathalaete gotlhe go dikologa lefatshe. Mme—mme tsone ke dilo tsa tlholego, mmaba a tlisa ditshupo tsa molelo; le sengwe le sengwe se sele, dingwedi tsa maaka le matsatsi a maaka, le dilo tsotlhе tse dingwe tsa bone.

¹⁷⁰ Fela, Modimo, O rile go tlaa nna le ditshupo ko godimo kwa, le gone, gore ba ne ba sa tle go tlhaloganya, mme re tshela go go bona. Ke leboga thata, Morena, ke lebogela Keresete thata. Mme ke rapela gore O tlaa dira, ka motlhanka wa Gago yo o ikobileng... Dikeledi tse di ikotlhayang mo marameng a me, Modimo, ke neela botshelo jwa me ko go Wena, seša gompieno. Mme a O tlaa nthusa, Modimo yo o rategang, go nna ke ikokobeditse, mme ke beye fa go nna banna ba ba ikobileng ba ba tlaa Go direlang, Modimo yo o rategang, mme ba tlaa dira tiro ya Modimo go fitlhela, Jesu, O letlelela loso le nkholole mo motlaaganeng ona wa kgobalalo. Mme fong, Rara, ke batla go nna le Wena.

¹⁷¹ Segofatsa kereke e nnye ena e e rategang. Modimo, segofatsa modisa phuthego wa rona yo o rategang fano, Mokaulengwe Neville wa rona, tsala ya rona e e rategang thata yo o emang fano a kana go tsididi kgotsa go mogote, a kana go tsamaya ka bonolo kgotsa go nonofile, mme a santse a bolela Efangedi ena e e sa pekwang ya ga Morena Jesu. Modimo, mo segofatse le mosadi wa gagwe yo monnye le bana. Ao tlhe Modimo, mma a tukise Efangedi ka mo dipelong tsa batho, go fitlhela Jesu a tla. Mo segofatse. Modimo mo neye nonofo e kgolo. Re a mo rata ebole re itse gore ke monna yo o ikobileng ebole a Go berekela. Mme ke a mo leboga, Morena, go mo tlologela ka lesaka le lennye lena—le lennye lena la dinku fano, le nkileng ka nna nalo teng fano. Mme, Modimo, ke rapela fela gore O tlaa mo thusa go tlisa dinku tse dingwe tse dintsi mo lesakeng la dinku. Go dumelele.

¹⁷² Direla seo modiredi mongwe le mongwe yo o leng teng. Mme eseng fela fano, Morena, fela go ralala lefatshe, gonre re a itse gore letsatsi le a tlhoka. Ditshupo di fano. Diabolo o tsamaya tsamaya, jaaka tau e e rorang, go latofatsa ka maaka, le diketsaetso, le, fela, Modimo, O tlhatlosa seelo kgatlhanong le gone, ka Mowa o o Boitshepo, mme re a leboga. Jaanong re segofatse, ga mmogo.

¹⁷³ Mme gompieno, Rara, jaaka re ya go rapelela balwetsi, mma O tlotsi modiredi mongwe le mongwe teng fano, seša. Go dumelele, Morena. Mme mma modumedi mongwe le mongwe teng fano a tlodiwe, mme motho mongwe le mongwe yo o lwalang a tlodiwe. Mme mma, fa re tswela ntle ga fano, mma motho mongwe le mongwe a siamisiwe ka nitamo, le kgalalelo ya Modimo mo meweng ya rona ya botho, jaaka re rapela ka Leina la Jesu. Amen.

Tumelo ya me e leba kwa go Wena,
Wena Kwana ya Golegotha,
Ao tlhe Mmoloki... .

A re tsholetseng diatla tsa rona jaaka re opela.

. . . Semodimo;
 Jaanong nkutlwé fa ke santse ke rapela,
 Tlosetsa maleo otlhe a me kgakala,
 Ao mpe go tloga letsatsing lena
 Ke nne wa Gago gotlhèle!

Ka bonya jaanong, *Dula Le Nna.*

¹⁷⁴ Ka ditlhogo tsa rona di obilwe, re neela dilo tsotlhe ko go Wena; borona, matshelo a rona, tirelo ya rona. Re dirise rotlhe, Morena. Mma mongwe le mongwe a tlhotlheletswe, gompieno. Mma lena e nne letsatsi le re tlaa le gakologelwang lobaka lo lo leele, ka ntlha ya Mowa o o Boitshepo o na le rona ebile o re segofatsa.

¹⁷⁵ Jaanong neela balwetse, Morena, ditlhokwa tsa bone gompieno. Go dumelele, Morena. Nna le boutlwelo botlhoko, Rara. Dira sena ka ntlha ya ga Jesu, re a rapela.

¹⁷⁶ Mme jaanong, Moruti yo mogolo, O re rutile rotlhe, letsatsi lengwe, O ne wa ruta barutwa ba Gago, e le sekai mo go rona rotlhe, O ne wa re, “Ka mokgwa ona rapelang.”

Rraetsho Yo o kwa Legodimong, Leina la Gago
 a le itshepisiwe.
 Bogosi jwa Gago a bo tle. Thato ya Gago a
 e dirwe mo lefatsheng, jaaka go ntse kwa
 Legodimong.
 Re neye gompieno sejo sa rona sa matsatsi
 otlhe.
 Mme o re itshwarele ditlolo tsa rona, jaaka re
 itshwarela bao ba ba melato le rona.
 Mme o se re gogele ka mo thaelong, fela o re
 golole mo bosuleng. Gonno Puso ke ya Gago,
 le thata, le kgalalelo, ka bosenabokhutlo.
 Amen.

¹⁷⁷ *Dumela Fela*, fa o ratile, kgaitzadi.

¹⁷⁸ Ke ba le kae ba ba tshwanetseng go rapelelwa? A re ka kgona go bona diatla tsa lona, ba ba batlang go rapelelwa? Ke a ipotsa fa e le gore lo tlaa tlhomagana, ka ko letlhakoreng la moja *fano*, ba le bantsi jaaka ba ba ka kgonang. Mme bao ba ba ka fa letlhakoreng *lena*, tlhomaganang ka fa bogareng jwa seferwana *fano*, fa lo ka kgona. Bao ba ba leng mo seferwaneng *sena*, tlhomaganang ka fa letlhakoreng *lena*. Mme bone ba ba leng mo motsileng wa fa bogareng, *fano*. Go siame. A re opeleng jaanong.

Dumela fela, dumela fela,
 Dilo tsotlhe di a kgonega, dumela fela;
 Dumela fela, dumela fela,
 Dilo tsotlhe di a kgonega, dumela fela.

¹⁷⁹ Ke ba le kae ba ba kileng ba bo ba le mo bokopanong pele, tirelo ya phodiso. A re boneng seatla sa gago. Lona lotlhe lo dirile. Ijoo! Mothatiotlhe, yo o dirang tse di diragalang ka motlholo!

¹⁸⁰ Ke a ipotsa. Jaanong sengwe fela se tla mo go nna, se se fetolang monagano wa me ka ga sengwe gone jaanong. Ke bona mola ona wa thapelo mothaope o tlaa re tsaya go fitlha nakong ya boraro gape, go tswa mo go one.

¹⁸¹ Mokaulengwe Tom Merrideth o kae? A o santse a le fano? Mokaulengwe Junior Jackson? Boobabedi, badiredi. Lona badiredi, bareri ba Efangedi, ba lo dumelang mo phodisong ya Semodimo, tlayang kwano motsotso fela.

...dumela fela.

Dumela fela, dumela fela,
Dilo tsotlhe di a kgonega, dumela fela;
Dumela fela, dumela fela,
Dilo tsotlhe di a kgonega, fela . . .

¹⁸² Motstotso fela, ke batla go le botsa sengwe. Ka ga, Mokaulengwe Cox, le ba le bantsi ba lona fano lo itse gore karolo ena ya beke, Ke lo boleletse gore ke ne ke sa batle tirelo ya phodiso, mosong ono, fano. Fela ke ne ke na le ditsala dingwe go nteletsa, e le tlotlong ya eng? Mokaulengwe Hall o ne a tshwere tsosoloso, tirelo ya phodiso, golo kwa ga Mokaulengwe Durban. Mme Mokaulengwe Hall o ne a le ka koo. Ke ne ka dira kitsiso beke e e fetileng, ya ditirelo tsa gagwe. Leo ke lebaka le nna—nna ke dirileng kitsiso eo, ka gore ena ke mokaulengwe wa rona, ebile o tshwere tirelo. Mme . . .

¹⁸³ [Mongwe o bua le Mokaulengwe Branham—Mor.] Goreng, goreng, Mokaulengwe Hall, a yoo ke wena, Mokaulengwe Hall, foo? Mokaulengwe Hall o na le rona. Go siame. Mokaulengwe Hall, a o a tswala, bosigong jono, mokaulengwe? Ke a bona. Mokaulengwe Durban o ka kwa ga noka. Ba na le tirelo ya phodiso. Ke itse Mokaulengwe Hall, mokaulengwe yo o siameng thata, motlhanka yo o tloditsweng wa Morena.

¹⁸⁴ Ke a ipotsa, Mokaulengwe Hall, sentle, fa e tlaa bo e se go kopa mo gontsi, a o tlaa ema le rona, mosong ono, ka ntlha ya thapelo, ka ntlha ya balwetsi, le rona? Ke tlhoile go baya modiredi, yo o ntseng a rapela jalo; fa fela o tlaa ema fano, le go nna teng ga gago le rona, go—go rapelela balwetsi.

¹⁸⁵ A re reng, “Re leboga Morena ka ntlha ya ga Mokaulengwe Hall.” [Phuthego ya re, “Re leboga Morena ka ntlha ya ga Mokaulengwe Hall.”—Mor.] O na le tirelo ka kwa ko go ya ga Mokaulengwe Durban, beke ena. Ba le bantsi ba lona lo e tsenetse, ga go pelaelo epe. Mme ke ne ka ithuta go rata Mokaulengwe Hall fa a ne a le fano nako e nngwe. Mme fong a nna le katlego e ntsi thata, Morena o mo neile katlego e kgolo mo go rapeleleng balwetsi. Mme ke a dumela o ntse a le teng ga

nnyennyane tota, a rapelela balwetse. Mme, Mokaulengwe Hall, a o tlaa batla go bolelela batho lefoko, sepe mo monaganong wa gago? Go siame, rra. O nnile le bokopano jo bo molemo bekeng ena, Mokaulengwe Hall? Re itumetse thata gore wena o nne fano.

¹⁸⁶ Mme jaanong lona batho ba ba lwalang . . . Eseng fela moo, badiredi bana fano, rotlhe re tlhomagane ga mmogo re le kago ya iphemelo, re dumela mo Bothatiosing. Re dumela gore Modimo mothatiotlhe, mo metlheng eno ya bofelo, ya go diragatsa metlhoho, le go fodisa balwetsi le ba ba bogang, mme re bona bogotlhegotlhe jwa Gagwe bo dira fela totatota se A rileng O tlaa se dira. Re fano go le rapelela mosong ono. Mme ke dumela gore Modimo o tlaa go dira.

¹⁸⁷ Mme motsotsa fela. [Mongwe o bua le Mokaulengwe Branham—Mor.] Mokaulengwe Jack Oakey, fano go tswa Revival Center? Goreng, re tlaa itumelela go nna le wena, Mokaulengwe Jack Oakey, le fa e le kae kwa o leng gone. Mme mokaulengwe wa me o ne a fetsa go tla a mpolelela ka ga Mokaulengwe Jack Oakey. A o mo kagong? Fong, goreng, wena—wena tlaya gone golo fa godimo le rona, Mokaulengwe Oakey, le fa e le kae kwa o leng gone.

¹⁸⁸ Mme badiredi ba bangwe, goreng, re itumeletse fela go nna le wena. Fa o dumela mo phodisong, tlaya kwano. Mona ke thomo ya rona go dira dilo tsena, le go rapelela balwetsi le ba ba bogang. Moo go siame thata.

¹⁸⁹ Mokaulengwe Oakey, kae . . . A yoo ke Mokaulengwe Oakey a eme foo le wena? Nnyaya. Oakey, Oakey, nna thata ke . . . Huh? Wa reng? [Mongwe o bua le Mokaulengwe Branham—Mor.] Go siame, moefangedi. Le fa e le mang yo o leng ene, tswelela o tle, mokaulengwe wa modiredi, gone golo fano, kabalano. Ijoo! Moo go a gakgamatsa. Tswelela o tle gone kwano. Leina la gago ke mang, mokaulengwe? [Mokaulengwe a re, “Mokaulengwe Jack Arkly.”] Mokaulengwe Jack Arkly. Re itumetse go nna le wena, Mokaulengwe Jack, le rona.

¹⁹⁰ Jaanong, moo go siame thata ebile go gontle thata. Lona lotlhe lo ka kgona go neelana diatla, jaaka lo tla go bapa foo, mme lo tlwaelaneng.

¹⁹¹ Mme jaanong se Morena a se re romeletseng ke sena, mosong ono, go rapelela batho bana, mme bangwe ba bone mo seemong sa go swa. Mohumagadi a eme gone ko morago koo, a rwele hutshe e tshweu, yo o nang le kankere. Go na le monna yo o emeng fano fa pele ga me, yo o nang le kankere. Mme go na le di le dintsi—dilo di le dintsi tse di farologaneng. Mohumagadi ke yona o ntse fano ka lengengana le le robegileng le le sa foleng. Re na le, ao, di le dintsi—dilo di le dintsi fano. Mohumagadi yo o dutseng fano ka sekorotlwane, mo setilosekolonkothwaneng. O dumela gore Modimo o ile go mo lettlelala a siame. Re dumela seo, le rona.

¹⁹² Jaanong, bakaulengwe, selo se le nosi se re ka se dirang ke go rapela. A go ntse jalo? Rapela fela. Nna ke bokoanyana fela thata gompieno go tsena mo go seo . . . ? . . . Lo a bona, nna fela ke . . . Ke rerile ka mašetla.

Jalo he, jaanong a re obeng ditlhogo tsa rona.

¹⁹³ Ke ile go kopa bakaulengwe, fa mongwe le mongwe a tlaa tla. Mme le re direle lefelo gone golo fano fa pele, fano, gore re kgone go rapelela balwetsi bana. Ke tlaa fologela gone fa tlase le lona. Mme re ile go rapelela balwetsi, re bo re fetisa ba bangwe, re bo re rapelela mongwe le mongwe. Mme mongwe le mongwe wa rona a beye diatla mo balwetseng mme a dumele gore Modimo o ile go ba siamisa. Lo a go dumela, bakaulengwe? Ga tweng ka ga gone, Mokaulengwe Hall, o dumela seo ka pelo ya gago yotlhe? Go siame. Go ile go diragala.

¹⁹⁴ Mpe jaanong, fa lo tlaa dira, ngwangwaelang ntle, go fologa ka letlhakore, direpodi foo, bakaulengwe ba me, fa lo ratile. Mme lo itirele molanyana gone go bapa le foo jaanong. Ke tlaa simolola—simolola golo fano, mme re tlaa rapela.

¹⁹⁵ Mme re batla kereke yotlhe e ipataganye le rona. A lo tlaa go dira, ditsala, fa re santse re rapelela balwetsi bana?

¹⁹⁶ Jaanong, lona batho, go na le baefangedi ba ba siameng fano, le badiredi ba matsholo a phodiso, ba ba leng fano go rapela le lona mosong ono. Mme re itumetse go fetola tirelo jaanong go rapelela balwetsi.

A re rapeleleng gangwe gape.

¹⁹⁷ Rara, ka Leina la Jesu, re amogele jaanong. Re kopa Mowa o Boitshepo go tla mo go rona le go re segofatsa, le go re naya seo se re se lopang gompieno. Mma thata e kgolo ya mothatiolhe ya Modimo e tsene mo go rona fela jaanong. Mme mma Kgalalelo ya Shekhaena, Ao tlhe Modimo, e e neng e agile mo tlase ga diphuka tse di kgomaneng tsa Tšheruba, mma E tle mo tlase ga mabogo a a kgomaneng a sefapaano, mme e tle mo go rona, gompieno, Morena, jaaka re tla re soloftse Thata ya Modimo. Re rapelela batho tshegofatso ena. Mma go se nne le a le mongwe, go se nne le a le mongwe, yo o palelwang, fela mma mongwe le mongwe a fodisiwe. Ka Leina la Jesu Keresete. Amen.

¹⁹⁸ Jaanong, Mokaulengwe Neville, fa o ka tsaya lookwane mme wa ema fa mhapheng wa lefelo fano jaanong, fa re santse re simolola. A re rapeleleng mohumagadi mo bolaong, pele, re tloge re fologe jalo, re tloge re gatele gone kwa morago mme re letlelele ba bangwe ba fete. Go siame. Morena a segofatse jaanong.

Mongwe le mongwe mo thapelong jaanong. Lo nneng mo thapelong jaanong.

Go siame, bakaulengwe, fano. A re rapeleleng phodiso ya gagwe.

¹⁹⁹ Rraetsho wa Legodimo, kgaitsadia rona yo o dutseng fano, o tlaa bo a le mo bolaong jona botshelo jotlhe jwa gagwe. Fela, re a dumela, Rara, gompieno, jaaka a tlie fano go rapelelwa. Mme rona, bakaulengwe ba Gago, ba re dumelang gore O tlaa re direla sena, re rapela ka boikobo eibile re kopa ka Leina la Jesu, gore O tlaa tlosa sena—seemo sena mo go ene. Tlamela khalesiamo ya lonao leo, leoto la gagwe, kgotsa se se robegileng. Mme ke a rapela, a fodisiwe, mme a kgone go tsamaya tsamaya, a galaletsa Modimo. Ka diatla mo go ene, re kopa tshegofatso ena mo Leineng la Jesu Keresete. Amen.

²⁰⁰ Modimo Rara, jaaka re eme fano fa aletareng mosong ono; le yona, kgaitsadia rona wa lekhalaate. Re itseng gore letsatsi lengwe, fa Jesu a ne a santse a rwele sefapaano, golo kwa Khalefari, kwa Golegotha, O ne a wela fa tlase ga morwalo wa sefapaano. Mme go ne ga nna le monna wa lekhalaate yo neng a tla gaufi, mme a se rwala; a se tsaya, a Mo thusa go se rwala go tswelela, a tsamaya mo dikgatong tse di madi ts a mokgoro. Mongwe wa barwadi ba gagwe ke yona a dutse fano gompieno, Morena, yo o iteilweng, a lwala, a dutse mo setilong sena gompieno. Mme a ka bo a ne a nnile botshelo jotlhe jwa gagwe, fa O ne o sa tle go nna le boutlwelo botlhoko, Morena, go feta ngaka. Fela ga a ise . . . ? . . . Mme re a rapela . . . ? . . . Ka Leina la Jesu, gore leoto la gago le fodisiwe. Mme mma a tsamaye eibile a siamisiwe gotlhelele, ka Leina la Jesu Keresete. Amen.

²⁰¹ Jaanong, wena, a o ikutlw a o farologane . . . ? . . . kgotsa nnyaya? Tlaya kwano. Simolola fela. Tsholetsa dinao tsa gago, kgotsa eng le eng se o se batlang. Fong o batla go nna . . . ? . . . e re, “Ke ne ka emeleta mme ka tsamaya go ralala kago.” . . . ? . . .

²⁰² Rraetsho wa Legodimo, mokaulengwe wa me, tsala ya me, monkane wa me yo ke mo itsileng lobaka lo lo leelee thata, ne a nteletsa mo mogaleng, maloba bosigo, “Ke fitlhela gore, dingaka di mpolelela gore ga go na tshepo.” Thata ya kankere, e e tlaa gapang botshelo jwa gagwe.

²⁰³ Modimo yo o rategang, O itse pelo ya monna yo. Fa go na le sengwe se se ganetsanyang le thato ya Gago, gompieno, sengwe le sengwe, mma sone jaanong se itshwarelw. Mma, mosong ono, yone oura ena, Mokaulengwe Carl wa me o tla ko go Wena, mme o neela gotlhelele, botshelo jo bo ineetseng . . . ? . . .

²⁰⁴ Modimo, fa Wena . . . Dingaka ga di kgone go direla dilo tsena sepe. Fela Wena o Ena a le esi Yo o kgonang go ntsha botshelo joo go tswa foo, o dire moo mo go kekelang . . . ? . . .

²⁰⁵ Mme Wena Yo o nnang mo boitshepong, Wena Yo o nnang mo . . . Wena o Kgalaalelo ya Shekhaena. Wena o mothatiotlhe. Re rapela gore O tlaa go diragatsa bosigong jono, go nna bopaki jwa Lefoko la Gago, jwa thata ya ga Jesu yo o tsogileng. Re kgala kankere, mo godimo ga . . . ? . . .

²⁰⁶ Modimo Rara, rona jaanong re kopela kgaitadsia rona, re kopa gore a gololwe mo . . . ? . . . dithatong, le jalo jalo. Mme jaanong, Morena, re rapela ka bopelophepa, fela Wena o tlaa dira, Keresete yo o tshwanang . . . ? . . . Ke baya diatla mo go ene, Morena! . . . ? . . .

²⁰⁷ Modimo yo o rategang, re baya diatla mo go yona, mokaulengwe wa rona, yo o emang fa pele ga me ka metlha le metlha, thapelo ya gagwe e ne ya go kgabaganya, mowa wa gagwe o ne wa go kgabaganya, mme ena o lebile ntlheng ya—ntlheng ya letsatsi le le phirimang. Ao tlhe Modimo, le Aborahame o ne a dira jalo, a le dingwaga di le lekgolo; ne a bua nae a bo a re, “Ke nna ena El-Shaddai.” Ao tlhe Modimo, Wena o mothatiotlhe. Mme re a rapela, Modimo, gore O tlaa diragatsa se se diragalang ka motlholo mme o fodise yona, mokaulengwe wa rona, ka Leina la Jesu. Amen. Amen. Rara . . . ? . . .

²⁰⁸ Rraetsho wa Legodimo, jaaka badiredi ba ba tloditsweng ba Efangedi, ba ema gompieno . . . ? . . . Jaaka phuthego e e neng ya kopana mo metlheng e e fetileng, mme morago ga Pentekoste ba ne ba tla ga mmogo mme ba rapela. Mme, Rara, re phuthega ga mmogo, jaaka bakaulengwe ba ba dumelang, le batho botlhe. Mme re kopile gore batho ba kopane; ba dirile. Re kopa gore a tloge mo lekaung lena, gompieno. Mma go nne gore le ka motlha ope go se tlhole go go tshwenya. O a itse . . . ? . . .

²⁰⁹ Rara, re baya diatla mo kgaitadsing wa rona, mme re kopa seo, ka Leina la Jesu, gore O tlaa kgala bolwetse jona jwa mmele wa gagwe, mme o mo siamise gotlhelele. Fa a feta go fologa ka mola ona wa banna, a tshwaele botshelo jwa gagwe ko go Wena, Morena, a dumela; a bileditsweng ntle, ka botshelo jo bo lomolotsweng, mo dilong tsa lefatshe, le dikereke tse di tsididi, tse di gwaletseng, a tle ka mo Efangeding ya mmatota. Re kopa ka Leina la Jesu, Yo o neelang go ya ka se re se Mo kopileng. Amen.

²¹⁰ Ka Leina la ga Jesu, re baya sakatukwi ena, Morena, ko go Wena, mme re kopela kgololo ya ga morwadie.

²¹¹ Rara, re baya diatla mo kgaitadsing wa rona, jaaka a feta ka mola ona wa thapelo, re kopa gore O tlaa mo golola mo bolwetseng jona mo mmeleng wa gagwe. Jaaka re mo fetisa go ralala fano, re baya diatla mo go ena, Morena, itshepise boobabedi neo le . . . ? . . . Morena. Go dumelele. Ka Leina la Jesu, re kopela phodiso ya gagwe. Amen.

²¹² Modimo Rara, re baya diatla mo kgaitadsing wa rona, re go kopa ka Leina la Jesu. Jaaka a feta go ralala mola ona wa banna . . . ? . . .

²¹³ Modimo Rara, re baya diatla mo mokaulengweng wa rona yo monnye, mme re go kopa ka Leina la Jesu, gore O tlaa fodisa ope . . . ? . . .

²¹⁴ Modimo Rara, re baya diatla mo kgaitsading wa rona, mme re go kopa, ka Leina la Jesu, gore O fodise mmele wa gagwe mme o mo siamise gotlhelele. Go dumelele.

²¹⁵ Modimo Rara, re baya diatla mo mokaulengweng wa rona, mme re go kopa ka Leina la Jesu, gore O tlaa fodisa mmele ona. Mme jaaka a feta go fologa ka mola ona wa badiredi, ke a rapela, Modimo, gore Kgalalelo ya Shekhaena e tlaa . . . ? . . .

²¹⁶ Nka baya diatla mo mokaulengweng wa rona yo o rategang, yo o rategang, mme ke kope, jaaka a feta go ralala fano, gore o tlaa ralala Lookwane le le tlhaolosang leo, le a le rapelelang.

²¹⁷ Rara, ke baya diatla mo go kgaitsadi, mme ke kopa, ka Leina la Jesu Keresete, gore O tlaa mo fodisa o bo o mo siamise.

²¹⁸ Modimo Rara, re baya diatla mo kgaitsading wa rona . . . ? . . . jaaka re baya diatla mo go ene, ka Leina la Jesu, Morwa wa Gago. Amen.

²¹⁹ Modimo Rara, re baya diatla mo mokaulengweng wa rona . . . ? . . . malwetsi, Morena.

²²⁰ Nnang le tumelo jaanong, jaaka ba feta gaufi. Ba tloditswe ka lookwane, jaaka Lefoko le rutile.

Ka Leina la ga Jesu . . . ? . . .

²²¹ Modimo Rara, re baya diatla mo kgaitsading wa rona, Morena, jaaka a fologa ka mola ona. Kwa . . . ? . . . keletso ya pelo ya gagwe . . . ? . . .

²²² Modimo Rara, re baya diatla mo mokaulengweng wa rona, mme re kopela phodiso ya gagwe.

²²³ [Mola wa thapelo o tswelela metsotso e le meraro le metsotsvana e le lesome le botlhano, mafoko a le mantsi a ga Mokaulengwe Branham ga a utlwagale—Mor.]

²²⁴ A go ne ga diragala gore lo lemoge, mo go seeng? Ke ne ka rera mosong ono, ka “ditsela tsa borakanelo.” Lebang kwa borakanelong fano . . . ? . . . mola ona wa banna.

²²⁵ [Mola wa thapelo o tswelela metsotso e le thataro—Mor.]

²²⁶ Ao tlhe Modimo, Mothatiotlhe! Go dumelele, Morena, gore Mowa le thata di tlaa tla mo kgaitsading wa rona, go mo siamisa gotlhelele. Re a rapela, ka Leina la Jesu, jaaka a feta ka badiredi bana, mma ene a itekanele gotlhelele bosigong jono. Amen.

²²⁷ [Mola wa thapelo o tswelela ka metsotsvana e le masome a manê le botlhano—Mor.]

²²⁸ Rara, ka Leina la Jesu, re rapelela sakatukwi ena, go tshwana le ka fa e neng ya tsewa mo mmeleng wa ga Paulo. Mme ke bitsa . . . ? . . . Rapela, Modimo, gore a siamisiwe, mosong ono, ka Leina la Jesu. Amen.

²²⁹ Tsala, yo o rategang thata, ka Leina... Leta, mohumagadi ke yona a tla go rapelelwa. Eya, tlaya gone golo kwano. Lona bakaulengwe...

²³⁰ Rraetsho wa Legodimo yo o rategang, re baya diatla mo kgaitasing wa rona. Mme re leboga thata gore ena o nna botoka. Mma tumelo ya gagwe e se etsaetsege jaanong. Mme...?...ka Leina la Jesu Keresete...?...

²³¹ Jaanong re dirile eng? Se Morena a se buileng. A go ntse jalo?

²³² Re itumetse go nna le bakaulengwe ba rona ba ba etileng, ba badiredi ba na le rona, ditsala tsotlhe tsena. E reng, "Amen," lona lotlhe ba lo... [Phuthego ya re, "Amen."—Mor.] Sentle, lona go tlhomame lo a amogelesega go boeng, bakaulengwe ba me ba ba rategang, go nna le rona. Mme gompieno, re ile fela go go dira, go—go tswa ka nako. Re itumetse gore lo ne lo le fano. Mme, bakaulengwe ba me, ke a lo rapelela go sa fetoge. Mme lo nthapelele, le fa e ka nna kae kwa lo yang gone, mme lo rapele jaanong jaaka ke tswela ko madirelong gape. Mme mma ditsela tsa rona di rakane, nako morago ga nako.

²³³ Gakologelwa, Mokaulengwe Oakey, nka nna ka... Go diragetse gore ke gakologelwe ba ba ratiwang ba gagwe golo koo ko—ko California. A yoo ke Ngaka Oakey, wa ga...? [Mokaulengwe Oakey a re, "Nnyaya."—Mor.] Ao, Oakey yo mongwe. Ee, rra. Mme ke—mme ke a itse gore go na le bo Oakey ba le bantsi golo koo. Ke ne fela ke sa itse gore ke ofeng yo a neng a gokagane nae. Ke itse Ngaka Oakey, ngaka ya meno, lo a itse. Mme fong, mme—mme jalo he... A o lesika le ena, le wena? ["Ena ke ntsalake."] Ntsalao. Sentle, moo go siame thata. Monna yo o siameng thata!

²³⁴ Jaanong, ke eng se re se dirileng lona batho fano? Se go leng sone ke sena. Re ne re sa tle go ema fano mme re beye diatla mo balwetseng fa e se re ne re go dumela. Re bone batho gaufi le rona gompieno, ba ntse mo bareetsing bana gone fano; batho ba ba ntseng ba na le kankere, difofu, ba ba golafetseng. Mpe fela ke lo supegetseng sengwe, fa go na le baeng fano. Ke ba le kae fano ba ba neng ba fodisiwa, ka tsela eo, ba Modimo? A re boneng diatla tsa lona di tlthatloga. Moo ke, difofu, dikankere, le sengwe le sengwe, lo a bona. Lo a bona? O tlaa go direla mo go tshwanang. Lo a bona? Jaanong, re a go dira, jaaka sena: re dumela thapelo ya rona.

²³⁵ Mme jaanong mo go e e tswalelang, pele ga re busetsa tirelo ko go Mokaulengwe Neville wa rona, gakologelwang ditirelo bosigong jono. Mme bosigong jono, fa go na le mongwe yo—yo o mo itseng, yo o ratiwang yo o neng a sa tsena mosong ono gore a rapelelwe, Mokaulengwe Hall, fano, o kwa ga Mokaulengwe Durban. Mme moo go tlaa nna... Mme aterese ke mang, mokaulengwe? [Mokaulengwe a re, "Ga ke itse aterese."—Mor.] Eng? [Mokaulengwe yo mongwe a

re, “Seventeenth and Market.”] Seventeenth and Market, ko Louisville, kwa ba nang le letsholo la phodiso. Mme leo e ne e le lone lebaka le ke neng ke tshaba ka ga go nna le tirelo. Ke—ke—ke tlhoile go tsena mo lefelong kwa mongwe a tshotseng letsholo la pho—pho—phodiso, mme mongwe a simolole le lengwe. Mme leo ke lebaka le ke buileng se ke se dirileng ka ga go se...ka ga ditirelo mosong ono, ke go tlotla Mokaulengwe Hall kwa ga Mokaulengwe Durban, ka gore bone boobabedi ke ditsala tse di rategang thata tsa me.

²³⁶ Mme ga re batle letsholo la phodiso le diragala ka kwano, fa Mokaulengwe Hall a na le lengwe le le diragalang ka koo. Ke tlhomamisitse ka ga seo. Mme, jalo he, re a mo rata.

²³⁷ Mme jaanong, Mokaulengwe Oakey, o fa kae, mokaulengwe? [Mokaulengwe Oakey a re, “Forty-thirty West Market.”—Mor.] Forty-thirty West Market. Mokaulengwe yo mongwe yo o nang nawe foo, lona le mmogo? Go siame. Jaanong moo ke ko thirty... forty...[“Forty-thirty West Market.”] Forty-thirty, Forty-thirty West Market, Louisville, letsholo le lengwe. Mme jalo he o ile go nna foo lobaka lo lo kae, Mokaulengwe Oakey? [“Re rera koo beke yotlhe.”] Beke yotlhe ena e e tlang. Moo go siame thata. Jaanong, lona lotlhe ba lo nang le balwetsi, thirty... forty, West Market. [Phuthego ya re, “Forty-thirty West Market.”] Eya. Forty-first ko West Market. Go siame. Moo go siame thata. Jaanong a go na le...

²³⁸ Ke bone badiredi ba bangwe ba le mmalwa. Mokaulengwe fano, o na le letsholo le le diragalang golo gongwe, rra? Nnyaya. Nnyaya. Eya. Sentle, moo go molemo thata. Moo go siame thata.

²³⁹ Mme mokaulengwe yona fano ke mo—moneri ko Bajuteng, ke a dumela, a ena ga a jalo? Mme moneri ko Bajuteng. Ke akanya gore o nna ko New Albany. Mme jalo he re itumetse thata go nna le...

²⁴⁰ A ke tlodile mongwe? A go na le mongwe o sele golo gongwe? Ke—ke solofela gore ga ke a dira; ga ke ikaelele go dira. Jaaka go sololetswe, Mokaulengwe Junior Jackson, lo itse kwa a leng gone ko New Albany.

²⁴¹ Mokaulengwe Tom Merrideth o na le kgaso. A o na le kereke, Mokaulengwe Merrideth? Ga go kereke epe. Ke kgaso fela. O go itsisitse, metsotsi e le mmalwa e e fetileng.

²⁴² Mme Mokaulengwe Neville o na le tirelo fano ya lona batho fano, tikologong fano, ya bosigong jono, le mo Laborarong yona yo o tlang, le go ralala beke. Mme tsa gagwe—ditirelo tsa gagwe, kgaso ya gagwe, ke ka moso wa Lamatlhatsso. Go siame.

²⁴³ Mongwe le mongwe o ikutlw a siame? E reng, “Amen.” [Phuthego ya re, “Amen.”—Mor.] Go siame, ditsala. Go go dira gore o batle go ipataganya le segopa sena se se molemo, se se itumetseng sa bareri, mme o ye go rera Efangedi, o bo o rapelela balwetsi, le wena. Modimo a go le dumelele, ditsala.

²⁴⁴ Lekau foo le le neng la latlhelwa kwa ntle ga thubagano fela sešeng, ne a na le setoki sa tshipi ya lenya, ne sa tsena go ralala letlhakore la gagwe, se anama mo gare ga gagwe, mme sa kgomarela ka kwa lethakoreng le lengwe, jalo. Mma yo o rategang, yo o rapelang! Modimo ne a mo rekegelela boikaelelo bongwe. Esale a mpolelela, ke ne ka akanya... Mosong ono, ke kopane nae jaaka ke ne ke tsena mo ntlolehalahaleng. O ne a ntumedisa ka seatla. Ke ne ka re, "A ga se wena mosimane?"

²⁴⁵ O ne a re, "Ee, rra." Ne a re, "Ke bileditswe mo bodireding." Modimo a nne le boutlwelo botlhoko! Jaanong, bakaulengwe ba me ba ba rategang... Lekau fela, a ntse foo a apere baki e e borokwa. Mma Modimo a dumelele gore o tlaa fetoga a nne lesedi le le tukang malakabe, fa re santse re le kwa borakanelong jwa tsela, morwa. Mme, o rere Efangedi, rere Efangedi e e tletseng, rere Lefoko lotlhe la Modimo, mme o se mpampetse ka sepe. Ema gone foo fa maikarabelong a tiro. Modimo o tlaa dira motlhabantu yo mogolo go tswa mo go wena.

Jaanong, a re rapeleng thapelo e nngwefela ena ya bofelo jaanong ka ntlha ya balwetsi.

²⁴⁶ Rraetsho wa Legodimo, re Go lebogela lekau lena, mosong ono, le ene, Morena. Mme jaaka a ne a dutse foo mosong ono, a reeditse Lefoko, mme a bona badiredi bana ka dipelo tsa bone di tuka malakabe, jaaka ba ne ba baya diatla mo balwetseng, jaaka ba ne ba feta go ralala mola ona. A bona bopaki foo, jwa batho ba tsholetsa diatla tsa bone, ba ba neng ba fodisiwa kankere, le bofofu, le disusu le dimumu, le digole. Gone—gone ke kgwetlho. Mme re leba fa tlase ga Lefoko lena la kgale le le segofetseng, mme Le rile malatsi ano a tlaa bo a le fano, mme ke rona bano re eme. Re bona Modimo mothatiotlhe ka letsogo la Gagwe le otlolotswe, le ditshupo le dikgakgamatso di tla. Re utlwa mosumo wa bontsintsi jwa pula mo loaping. Re a itse gore re mo motlheng o mogolo wa pula ya bofelo.

²⁴⁷ Fa, Satane a tlaa bofelewang a bo a latlhelwa ka mo khuting, a golegilwe ke keetane ya diemo, gore a se kgone go tswa mme a tsietse ditšhaba. Mme dingwaga di le sekete, puso ya Mileniamo, e tlaa diragala mo lefatsheng fa re santse re galaletsa Morena Jesu wa rona, le go Mo apesa; go Mo rwesa korone, "Kgosi ya kgosi, le Morena wa marena."

²⁴⁸ Lefatshe lena la kgale le le tletseng boleo le tlaa phatloga le bulege, mangwe a malatsi ano, nako e dithata tsa athomiki di gololwang, le dihaeterojene di tlaa dira. Mme lewatle lengwe le lengwe, le metsi, a tlaa... Lewatle le tlaa lela go fitlhela le omelela. Ao tlhe Modimo! Mme letsatsi le tlaa palelwa ke go phatsima. Mme ngwedi ga e tle go ntsha lesedi la yone. Mme dinaledi tsa legodimo di tlaa wa jaaka setlhare sa mofeiga se se makgela se se tshikinngwang ke phefo e e maatla. Mme batho ba

tlaa lelela mafika le dithaba. Mme botshelo jo bonnye jona bo ile go felelela e le eng ka nako eo?

²⁴⁹ Fong baswi mo go Keresete ba tlaa tsoga. Ao, a parateise! Ditšhaba ga di kitla di tlholo di tsholetsa tšhaka kgatlhanong le setšhaba, gape. Le rona ebile ga re kitla re nna le mola wa thapelo ka ntsha ya balwetsi.

²⁵⁰ Gompieno ke letsatsi la pholoso. Mme, Rara, re tlisitse batho bana ko go Wena. Mme re Go kopile, ka Leina la Jesu, Yo o buileng sena, “Kopang Rara sengwe le sengwe ka Leina la Me, se tlaa dirwa.” Jaanong, rona, ga se thapelo ya rona e re nang le tumelo mo go yone. Ke thato ya Gagwe, e re nang le tumelo mo go yone. “Kopang Rara sengwe le sengwe ka Leina la Me, Ke tlaa se dira.”

²⁵¹ Jaanong, Satane, wena yo o ntseng o le bosula thata, ebile o bofile batho bana, mme wa baya loso mo go ba le bantsi ba bone, mme wa ba golafatsa, ebile wa ba foufatsa, mme wa dira mehuta yotlhe ya bosula ko go bone, wena o fentswe. O fentswe, ka gore re dirile fela se Jesu a rileng se dire. Ke gone ka moo, tumelo ya rona e a leba jaanong mme e go raya e re, “Tlogela batho. Tswaya mo go bone, ka Leina la Jesu! . . . ? . . . Mme mma mongwe le mongwe a siame, ka Leina la Jesu Keresete.

Bakang Morena! Jaanong dumelang.

Ke a kgona, ke tlaa dira, ke a dumela;
 Ke a kgona, ke tlaa dira, ke a dumela;
 Ke a kgona, ke tlaa dira, ke a dumela
 Gore Jesu o a mphodisa jaanong.

Ke Mo amogela fa Lefokong la Gagwe;
 Ke Mo amogela fa Lefokong la Gagwe;
 O tlisa mo go nna kgololo mahala,
 Ke Mo amogela fa Lefokong la Gagwe.

Ke a kgona, ke tlaa dira, ke a dumela;
 Ke a kgona, ke tlaa dira, ke a dumela;
 Ke a kgona, ke tlaa dira, ke a dumela
 Gore Jesu o a mphodisa jaanong.

²⁵² A ga lo go dumele? Ka pelo ya me yotlhe! Mokaulengwe Saul, o a go dumela? [Mokaulengwe Saul a re, “Amen.”—Mor.] O dumela gore Modimo o tlaa go dira, Mokaulengwe Tony? [Mokaulengwe Tony a re, “Amen.”] Amen. Kgaitsadi Snyder, o a go dumela? [Kgaitsadi Snyder a re, “Amen.”] Kgaitsadi, a o a go dumela? A o a go dumela, kgaitsadi?

²⁵³ “Mme tumelo ke boikanyo joo jwa dilo tse di soloftsweng, bosupi jwa dilo tse di sa bonweng.” Ka tumelo re bone dipota tse dikgolo tsa Jerikho di wa! Keresete o go etelela pele ka tumelo. A o a go dumela? Amen. Re a go dumela. O sekwa ba wa nna le moriti wa pelaelo, le ka nako epe. Modimo o tlaa go wetsa. Mothatiotlhe! Go tlhomame thata! Ke tshwanetse fela ke go

latele. “Ditshupo tse di tla latela bao ba ba dumelang.” Amen. A Ena ga a gakgamatse?

²⁵⁴ Jaanong, a re ka obamisa ditlhogo tsa rona motsotso fela ka ntlha ya thapelo ya go phatlalatsa. Re tlaa kopa... Re dikologa ga mmogo, re direla nakonyana ya kabalano. Re tlaa kopa fa Mokaulengwe Neville, fa ena a tlaa tla golo kwano jaanong, jaaka rotlhe re oba ditlhogo tsa rona mo lefokong la thapelo. Jaaka re opelela mo menong pele, ka ditlhogo tsa rona di obilwe:

Ke a kgona, ke tlaa dira, ke a dumela;
Ke a kgona, ke tlaa dira,...

²⁵⁵ Gakologelwa fela, Ena o gone fa letlhakoreng la gago. O teng go dira ga mmannete. Utlwa fela Thata ya Gagwe e tla ka mo go wena jaanong. “Nka kgona?” Go tlhomame, wena o ka kgona.

Ke tlaa Mo amogela fa Lefokong la Gagwe;
Ke tlaa Mo amogela fa Lefokong la Gagwe;
O tlisa mo go nna, kgololo mahala, (Kwa
Golegotha.)
Mme ke tlaa Mo amogela fa Lefokong la
Gagwe.

²⁵⁶ Jaaka re oba ditlhogo tsa rona jaanong. Mokaulengwe Neville, ka se o batlang go se bua.



BORAKANELO JWA NAKO TSW56-0115
(The Junction Of Time)

Molaêtsa o ka Mokaulengwe William Marrion Branham, o nê wa rérwa la ntlha ka Sekgowa mo mosong wa Letsatsi la Tshipi, Ferikgong 15, 1956, kwa Motlaaganeng wa Branham ko Jeffersonville, Indiana, U.S.A., o tsêrwe mô theiping ya makenete mme wa gatisiwa ka Sekgowa o sa khutswafadiwa. Phuthololô e ya Setswana e gatisitswê le go abiwa ke ba ga Voice Of God Recordings.

TSWANA

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwá go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org